

緣督廬日記抄

緣督廬日記鈔卷十四

庚戌至壬子凡三年

長洲葉昌熾著

邑鏡學王季烈輯

庚戌正月

元日年六十二矣晨起拈香供粉荔

初二日朱觀察墓銘繕清稿聞詞賸句痛加刪雜尚以冗長為累問銅井疾東西醫皆束手黯然而返

初四日晨起奴子來告銅井逝矣三十年老友晚而結鄰先我而去追思笑語游處之歡滑馬流涕即往哭之

初五日午後重餐張螺浮詩一首張與王阮亭順治乙未同年進士即次其後

初六日報載春江師去臘廿三日歸道山不禁大痛旬日之間師友彫喪懷舊傷今淚淋浪而霑臆

初七日昨枕上作銅井輓聯 都門譚菽臺嶠題襟晚歲託比
鄰尊酒招逸相去一牛鳴地 鄧尉梅花天平楓葉新年悲
老友履綦銷歇更誰聯騎尋山 今日又輓春江師一聯
為國一个臣鄉望尤孚豈惟開府壯猷舊部耆民藥社祭
及門三十載師恩未報不料真樞詠夢新年長恸浙江潮
十九日放棹進城與室人同至皮墅假館賓至如歸非仲侯夫
婦安得此賢東道哉

二十日存古學堂開校芸棗贈所撰徽香堂經史文編一冊所
輯文闕兩冊讀書錄一冊閱邸鈔御史江春霖以劫塵邸父
子辭連直督回原衙門行走

廿一日室人至馬嘯巖醫室就診據云非膈症以平肝利氣化
痰為治

廿二日得鳳相函講讀升級家居與在任一律可換四品服即
屬仲侯購一青金石藍頂至瑞記照相館攝衣冠影後出胥
門下船返瀆四鐘抵家

廿四日得張菊生函謝贈書即日有環球之游並言丁叔疋去
年物故於京師失一故人嶺嶠亦少一學者為之於悵

廿五日得吳穎芝太守書贈新刊何義門集一部四冊附家書
二冊則舊刻所無也

廿七日得仲侯書室人取馬方已三劑不效氣阻更甚

廿八日費子館自鄧尉探梅歸簿暮登岸談甚久求為其父西
彝同年作墓銘允之攜至劉聚卿所贈景宋寶祐本五銜會
元一部十二冊景元元貞本論語注疏解經一部二冊皆黃
岡陶子麟為刊於日本雕印精極與原本毫髮不爽聚翁以

部丞出為直隸監理財政官腐天津河北三馬路清理財政局二十年前故人也

二月

初三日室人自城歸攜歸費哲夫方以丹參漢藜主治莫測其奧然不問病源切脈即知為膈症他病亦十不失一不知操何術也

十一日郵局遞至徐積餘觀察所贈隨庵叢書共十種皆仿宋元刻詞林韻釋一吳越春秋二金石例三中朝故事四雲仙散錄五述異記六雜駢集傳七魚元機詩八篋中集九樂府陽春白雪前後集十皆有鄂省蘭陵街陶子麟鈔本字始知子麟為梓工劉聚卿仿宋本亦皆出其雕造精美相埒吳中無此良工也

十九日芸巢來函轉贈褚伯約前輩堅正堂摺稿二冊皆其在
諫垣時所上封事也

廿四日重刻寫刻諸樣自冬徂春日不暇給今案頭豁然清明
如釋重負午後補撰沈懋惠翠嶺一首次顧湘舟之前

廿五日室人昨雇舟進城至費醫室覆診今日歸據云膈症根
株已固達觀靜攝尚可帶疾延年補撰趙搗叔詩一首附孫
古徐其邑人也又周季貺一首無可徵文就所知最錄之

廿六日補撰藏書詩二首一李仲約前輩一伯義廉生兩前輩
合傳取材於滂喜靈鷲兩叢書樊山方伯詩續集亦采及

廿七日補撰藏書詩江建報太史一首李申蘭趙次侯二老合
一首道光中寫官許翰屏一首又以前塵夢影錄補孫淵如
陸潤之戴松門黃椒升沈十峰五家詩注各一則

廿八日藏書紀事詩既改六卷為七卷卷六之後作識語一則
卷七後兩則皆於燈下脫稿

廿九日補撰藏書詩黎蕊齋方柳橋各一首

三十日補撰藏書詩丁松存一首新補并沈翠嶺許翰屏數之
共得十一首再添則蛇足矣

三月

初一日晨起聞香山邨民昨夜四鼓聚眾毀喻培翁家牆垣舍
宇鞠為平地長物蕩然僅以身免初以為秦越人術十夫其
一及詢奴子則云市人閩傳洋人在海上造橋打樁不下以
生人甲子厭勝賄培翁沿街挨戶寫姓名冊村中有暴死者
眾怒難犯構此奇禍真無稽之言也既而悟為造戶口統計
冊喻為鄉董池魚所由殃及鄉氓之愚如此豈可以情理喻

學堂不普設民智不開汲汲於辦新政多見其不知量也午
後聞縣大夫鼓棹西去嗟何及矣閔亡友張退齋集有菴里
瞿氏虹月歸來圖記適仲午寄卷六江刻原稿來補詩注一
則

初三日校寫樣十開卷四畢王蓮涇一首改二句今所居為璜
川吳氏蓮初園舊址增詩注案語一則

初四日前託芸巢求崑山趙靜庵元益所刊叢書戊子在都門
靜庵贈一部袖珍本十餘冊轉貽黃再同前輩今靜翁作古
已久其子在上海製造局芸巢之友也自滬寄來石印寫定
尚書一冊桐城吳氏家塾本又龔詡野古集一冊戴煦音分
古義二冊項名達象數一原四冊韓集攷異二冊皆大字本
疏行宜於老眼非前所觀乞漿得酒亦良友之惠也

初五日銅井設奠午前往陪賓與邵伯英前輩談藏帖最久並
言三峰藥龜師圓寂矣叢林中又少一善知識

初十日長沙朱貴民雙燈撫署校舍波及外國教堂訛言甚惡
有中丞被版之電實無恙也民氣一動不可復靜太阿授人
不可復返當軸者求仁得仁何怪此紛紛者為

十四日日暮翟良士自菴里至光福掃墓過瀆川泊登岸來見
即留晚餐賞銀琴銅劍樓集古印存八冊見貽即求序前託
鈔王侍御良齋集原刻鈔本並帶來談至深昏始去

二十日午後重編藏書第七卷新補九首附錄廿二首共三十
一首不為寂寞矣室人服藥不效大肉漸削尪瘠異常無術
以再造之愁城坐困

四月

初十日室人前三日即言口有腥臭不可近吐稠痰膠黏如飴
今晨忽咯血約半匙許其色鮮紅觸鼻腥穢甚可駭午前復
又兩次亦如之末一次色帶紫四妹疑藏府有壞象或以其
胸腕痛疑是肺胃有癰方漬果爾則從前以關脈治貽誤不
淺

十一日昨宵室人沈睡至黃昏張目無光睛有翳障按其脈尺
寸已亂轉側需人已久忽自搜身甚輕捷知其浮陽將上越
急進參湯拒不納延至子丑之交欲起溲未果神色遂大變
肝風頻動口不能言然神識尚清聞悲恸聲握手戒勿哭又
自合掌求解脫晚色微動渣然長逝今早之寅刻也嗚呼痛
哉結禱三十八年白首相莊溯自奉事舅姑從宦京隴未聞
間內有閒言待劉姬尤有恩一旦長離痛何如之三子一女

皆先化去此尤人生之至戚茶毒之極哀壽材寄五畝園午
後以一舟運至清並寄灰釘苴經之屬素衣總帷昏仲侯之
力也停靈正寢兒婦捧頭小妻抱足亡兒早逝承嗣無人兒
婦當時撫兒子為嗣異姓承祧非老夫意也不幸亦錫十餘
年來側生無望隴歸遷清前年戊申穉姪始生年三歲矣康
吉援禮議以嘉穉為後將來生子即為亡兒之後此誠不易
之經但兒婦年踰三十穉姪尚幼河清難俟亦非人情所堪
不得不經權並用允兒婦螟蛉一孫承重目下無人立虛名
曰乃賡次哀子之前不肖罪重山邱至斬先祀無可言者
惟有呼天號泣而已

廿四日閱郎抄鄂督瑞制軍湘撫楊中丞特參紳士前園子監
祭酒王先謙分省補用道孔憲教均交部嚴議吏部主事葉

德輝候選道楊鞏即行革職交地方官嚴加管束

廿六日致馮稚珏一函約至保節局看攢宮復書來以釋覺阿
通隱堂梵隱堂詩八冊見貽

五月

初三日日前伯英表弟來言花橋舊屋自歸華陽大興土木原
為平屋七層改作六層第五六兩層合建上下樓房六間廂
房四間內宇觀深外庭脩廣四周牆垣撤舊更新傾欵者立
鈔朽者堅契價三千二百元前所知也建築已達八千元統
計踰萬今願以八十元脫手勸收回祖業心忤然動仲侯函
告問津者已有兩家約今日速往相度昨一宵未寐寢不能
堪然良會不可失竹林厚意亦不可負天明後稍憩片刻努
力登舟新蒞上市大小船隻均為貿絲者在載僅覓得一葦

小航蓬牕打頭放棹即睡一覺已至棗市橋進閘門泊花橋
甫亭午即雇肩輿至皮塹飯伯英遣其匠頭徐寶壽來並偕
仲侯步行至舊居自外遠內入室登樓周覽一遍昔之頽垣
敗棟翼然翠飛昔之朽壁殘牕美哉輪奐彈指樓臺即在藪
蒿舊地感慨係之歸舟即告仲侯以五百元付東金交伯英
轉達鯨魚涸轍為日幾何而為此不度德不量力之舉哉與
仲侯別約三點鐘日曛始抵潰廬

初七日至下沙塘答袁又辛室廬幽雅雜蒔花木儼然仲蔚之
居出先德胥臺集並汪茗文諸公所撰六俊三英家傳尺牋
五開李子仙孝廉所書也久談而返

十一日初田有來歸之約不能不進城昨雇定一舟今日辰刻
起早餐畢即放棹二點鐘進閘門小泊治午餐畢又放船至

天妃宮橋赴皮墅伯英日昃來言自鄙人往看屋華陽頗疑
為舊主亟詢白鬚翁為誰幸伯英毅然自認抗辨不挽尚未
揭破假面得主皆署李氏伯英真代桃僵矣約定明日寫契
畫諾契價兌七成期三成

十二日午後仲侯至伯英處定枋田之約深昏始攜新契返上

首契及擔代各兩分

其一即十弟署
名出售之契

新舊稅單皆來歸據仲

侯言華陽今之棄產亦如寒家前日墮甃不顧絕無出納之
吝惟中間人難驚之爭狺狺不已此輩惟利是圖蕩無廉恥
無足怪也故物重還區區之心冀稍慰先人於地下但以
亡荆不及見為愴然耳

十三日袁又卒送至室人遺象冠袍尚未歲事傳神阿堵雖未
能毫無遺憾不可謂非酷肖矣展對愴然不勝遺挂之悲

廿三日桐叔遞到鈍齋都門函言以冷署閒曹忽涉津要之地
叢愆集責不知稅駕此入政府以後之詞也寄貽魏李璧墓
誌一通正光元年十二月二十一日德州新出土又唐墓誌
八通則筭所有也

六月

初二日華媽昨奉兒婦命進城徵詩今日晚航歸攜至緝御一
函僅開銷洋四元錢二千零六十文據華媽云頭角呼噪晚
聲甚宏非常兒也此舉在宸宥為不幸在兒婦之心則可稍
慰矣

初三日聰生日跌來商刻銅井遺稿得菽風函以近重修江南
通志判府延訪舊學將有照會未見屬先以此函介紹待直
餘年文字之役怖若河漢況鄉邦掌故經國盛業計卷授錄

等於市道

分屬稿之難易自百元至五十元不等

何敢與聞

初四日介侯自滬到蘇自蘇到濟以香燭為言湖自裏河舟次
惠息一別已踰四載今奉母歸矣埽榻留賓翦鐙話舊備知
潘和卿謝雨生近狀又訊隴上同官始知張健亭軍門胡玉
晴觀察張瑤圃刺史杜桐巢王芾鄉朱幹生諸大令皆已作
古潘錫九已歸田又聞劉讓木干革田亦皆不得志以殲歲
月如流浮生若寄可不歎哉

初十日雇舟進城到皮墅

十四日至石塘橋楊氏渥如出逐兒婦之胞叔也乳娘抱新孫
出見甯馨可愛吾家門祚盛衰繫之

十七日雇舟返濟

廿七日得仲侯函孫幼華姨丈作古先大夫僚婿無一人矣

七月

初四日辰刻下船午進閩門即至皮墅

初七日午後在能仁寺治豆觴肅客庀喪禮先諏吉於今晨遷花橋新宅亦歸舊巢也禮家廟在東以無隙地權於大廳後軒西首設祖龕八點鐘由皮墅吉服進宅恭迎粟主入龕家堂香火懸轎廳中楹之上門堂懸四額皆循舊制

初八日為室人設奠一日官場自陸方伯以下寓公自朱古惟前輩以下郡紳自小劉師以下皆臨奠賓至路繹終日答拜輓對七聯升甫同年叔彥太史兩聯最為擅場選文下聯云此去泉臺見父道我桑榆無恙蒼蒼白髮古稀年亦頗沈鬱十一日回瀆燈下與星台商移家發引兩事

十六日旁午發引至保節局回吉登舟槩若假油輪相助銜尾

進城日甫睡泊倉橋口登岸由臨頓路上花橋進新宅安壘
廿七日得張制軍照會以通志采訪見委纂修未副嘉命此義
務不敢卻矣

八月

初九日叔彥攜贈陶南村游記一冊新陽趙氏刻

廿二日劉聚卿京卿寄贈景宋大字本家語四冊薛尚功鐘鼎
款識四冊尚有魏鶴山渠陽詩注銅人鍼灸經俟後郵新得
天璽紀功碑寄一紙屬題先為禮卿前輩題一跋舊稿已失
繕一通見示不意醬飯之紙有人拾而存之

廿六日得介侯書願任通志纂修求致書菴風推教寄晉石五
通為贈其令壽陽時所拓也一為呂惠卿留題興安王廟詩
元豐八年十二月十二日有舊一為河東燕山府路宣撫使

譚稹祭聖母汾東王祠文宣和五年歲次癸卯五月朔癸丑
初七日己未趙令時書姜仲謙撰一為姜大中晉溪留題詩
詞至元十八年三月中泚日張維書一為李朮魯神游聖母
祠禱雨詩延祐蒼龍戊午夏己未月尚旬吉日石抹思誠書
一為毗聖禪寺記撰書缺結銜兩行尚泐存朝列大夫太原
路中順大夫冀寧路等字大元皇慶二年重午日其一為金
文聖母祠鐘銘紹聖四年三月故錦州魏城令劉植立外甥
鄉貢進士張鑑記共四面一而題名後又有紹聖五年字下

泐

廿七日昨重編藏書詩目錄畢自作一跋附日後本擬以去臘
甯垣陳列所說明書為藍本索舊稿不得不能不別初一稿
枕上構思今日寫出

九月

初六日孫壽芝廣文來以錢唐張孟劬太守采田所著史微內篇兩冊宋高士願景著志道集一冊見貽

重陽日位置箱架整理籤題新舊都三十三箱湖海投贈坊肆雕造並震殘不全之本另置三架又臥室精本一架與舊拓裝冊本分上下而居之拓片九箱二十年塾師二十年宦游十束之艇五斗之俸盡於此矣

十四日作七絕兩首寄星台索艮奴

二十日得仲午函以許鶴巢丈遺集謀付刻願助三十元濟之叔重兩公亦解囊願襄盛舉諸公慨然念舊高誼可感但自念殘年多病人事難知未敢即諾即作一函返璧告以俟媿工有日再求眾擎

廿三日唁宏農太君先購緞幃一布聯一旭初見輓聯稱歎不
啻口出至錄副以去此老可謂好事矣聯云湖上板輿停新
從三竺言旋淨土即登離垢域階前珠樹列已過七旬介壽
故鄉終慰首邱思

廿七日縣橋楊估持舊鈔三本見示一為醫書論痘症康熙間
繡水張允文錄一為刊謬正俗有何此瞻跋皆還之留王惕
甫輯存朋舊詩鈔一冊前有手跋從法梧門及見集采錄其
後六七家則其所附益也末汪元亮一家有朱筆注其下云
此人詩最荒幻難為識者然實可憫云云汪同邑乾隆間孝
廉也

三十日米鹽凌雜不堪其擾以家政交兒婦食用一切每月四
十元自出月朔為始此外月費十一元男女傭十五元津貼

叔母十二元五妹四元朱師母一元經常之費月計已八十三元祭祀酬酢睦嫻任卹衣服醫藥尚不在內量入為出度支將憂不繼

十月

初二日作七絕三首其一補藏書詩其二為兩裡而作皆遊戲之筆也

初十日午後叔彥來為縮短國會全城軍商學界自十三至十五夜提燈慶祝腥聞所染存古生徒隨風而靡意在匡而正之又讀校邠師陳詩議作書後一首亦為國會而發兼寓保存國粹之意敬之服之而不敢贊成之阮楚壁藏時已至矣豈可以人力爭哉

十三日楊古醜太守自雲開來年八十一矣步履精神尚矍鑠

在新昌縣任為浙撫張曾敷劾罷老驥伏櫪壯心未已惓惓
園粹義形於色去後即赴哉安之約應院羅列鞠花北面列
架高於屋東西俠之皆十層共八百餘盆室內几案置異品
媽紅姹紫百種千名金流蘇飛龍帶二種尤為無上精品據
云今年分秧後抽萌而結蕊者僅各得一株使無遺種此調
遂成廣陵散矣出菰鞠園求題允之

十六日存古生徐昂生 汝珪 以其父名福謙號菰莆書法正宗
彙參求序其書分上中下三卷有圖有說雖便初學習字不
合六書偏旁點畫尤多舛說以徐生請之勸為作一跋以塞
責

十七日昨得叔彥書促題鄧州興國寺舍利塔銘昆李兩本先
為這翰前輩作一跋免無故實塞責而已

十八日書估縣橋揚姓來以趙凡夫寒山三種見示祇文三首
皆行述之類無頭無尾非完書也又示來青閣一單新得於
亡友孫蘊苓太守之後人其中唐類函小玲瓏山館叢書尚
是敝篋中物先太恭人素養無以治喪遂寄外府今頗思
贖歸問值增至六七倍爽然而罷又以王惕夫朋舊詩鈔歸
之午後訪朱古惟前輩其屬在金太史場吳氏舊園即退樓
先生兩臺軒舊址也亭池喬木頗占幽勝鐙下作五古一首
為叔考題舍利塔銘錄徐執甫書法正宗彙參跋

元趙文敏後江左書家推董思翁為第一然神明規矩可為
後學津梁莫如衡山父子二承親受筆法固如信本之有明
奴善奴陸子傳周公瑕輩亦如右軍之有羊薄也自明中葉
迄於吾生以前四五百年墨池一鐙蟬媽不絕國初汪退

谷何義門皆其嫡派陳季方徐亮直傳義門之學而踵起之
考顧通政南雅最為後勁流風所扇至道咸之季亦稍稍衰
矣然幼時與亡友姚鳳生茂才論書自言其師為陸上舍研
北紹景陸得之李孝廉子仙福李得之毛先生意香懷先河
後海遠有端緒屬生教授生徒一東山陰家法每登講堂諸
生環列一波一磔手批口答如規矩之誠設繩墨之誠陳也
惜平生未嘗著書但以口說今讀菡甫先生此書有圖有說
撥鏗懸腕諸法昔者吾友所詳說不啻重提其耳而面命之
閉門造車出門合轍童子書能自得師雖謂停雲一版至
今存可也宣統二年庚戌十月既望長洲葉昌熾

廿三日張孟劬太守采田來新得存古學堂庶務差自言其尊
人子菡先生名上蘇尚在堂年踰七十官幾輔最久善填詞

蓄書畫與朱古惟前輩為石交

十一月

廿四日樊學使來致中丞之意允辭存古席以歲杪為斷得弛負擔何幸如之

廿七日孫受之寄贈諸子通政第二卷兩冊又庚子都門紀事詩兩部部各二冊蒙古巴里容延清子澄撰京口駐防都門舊友也內有與申甫同年唱酬之什

十二月

初一日叔彥日昃來長談黃昏始去史學一席已聘定唐蔚芝侍郎不禁色喜三年尸素可冀後來者為吾補過又聞芸巢亦請退榘公尚在縈維知其去志甚堅也

十六日樊學使又送到照會一角存古一席以名譽總校相屬

收束完密雖近周旋不可為不盡禮矣

十七日伯南以懷古堂詩選兩冊見借揚元補先生父子之詩也元補集四卷後附游黃山記其子名炤字明遠詩十二卷兩集均有絳雲老人序

十九日旁午登舟出齊女門繞至金閭亭進渡僧橋經戒幢寒山雨寺迤邐自楓橋達西津橋鎮轉舵又十餘里始至白馬澗暮短水淺逆風逆流而上抵岸天色曠黑不及入山即維舟宿問通濟庵欲訪覺阿師舊蹟村人云距此東北行約六七里

二十日聞人聲即起曉旭曠曠矣草上濃霜如雪溪流皆凍然天氣轉稍暖蓬窗眺望小橋流水山市臨溪絕妙畫家粉本屋筍與雨乘村畫四五共運行李登岸從前由善人橋東南

行六七里此次路稍近但嚮西北度賀九嶺正在其背下嶺
至周店巷周子美家下榻卸裝畢偕主人入山示以主域並
昭穆位距離遠近畫灰線為界又同登天池山游寂鑑寺前
住持號清如已圓寂矣今繼席者號善良亦清川人無可談
即出至石屋徘徊徧一邨莊而返烟戶二三十家問其名曰
龍岡裏子美云即徐元歎落木庵故址也其童時精舍尚在
今鞠為畚田矣

廿二日偕周子美至塋次以羅盤定向開金井畫中線為度夕
宮在右鄙人壽穴在其左將來劉姬又在室人肩下仍由龍
岡返子美指點路旁荒池得井皆落木庵遺蹟憑弔久之
廿四日未正三刻下窆夜枕上作五古一首

廿五日萊陽二姜先生墓據郡志在天池屢詢周子美不能詳

也昨忽言有墨家山距此半里許在許家場之側心知其是
矣午後赴塋迂道至其處果有北城頗軒敞翁仲羊虎裂失
過半兩石馬尚完一卧地羅城內巍然兩冢舒雁行列夫婦
當同穴父子又未可齊肩非先生兄弟妥魄之所而何文文
肅墓在其南落木庵在其北若築一椽合諸賢而俎豆之誰
曰不宜

廿七日昨雇一舟在白馬湖晨度賀九嶺南下登舟三鐘進閘
門以肩輿登岸

廿九日設影堂於花廳中封井接窰而後睡

辛亥正月

元旦行年六十三矣德不加進歐風浸灌新國民新少年如飲
狂藥吾輩如陳人宿物舊時所學盡成土苴過新年後祇可

整居不出即以此日為始

初二日仲午比部以謝萬舫世文餽歲詩見示作五律二首

附原作

花果聯翩至剛逢除歲期妙香仙島產嘉瑞昔賢詩

李文正

運畫幅中文定題布袋開門法

羅湖野錄元禪師張布袋

湖出海枝朱實大春風圍畫裏賦謝敢稽遲

益景列几如買

初三日作七律二首

初四日為天池紀游作五古二十韻

初七日作五律二首謝仲午贈紅梅

十一日荔弟今年六十矣今日為其誕辰當延清眾薦福室人

安窻亦未設齋同日在能仁寺禮懺作七律二首

十二日作七律一首

十三日中丞率僚屬宴紳士於植園折柬相招辭未赴作七律一首

十四日答董耒老以寒農詩一冊見贈程中丞新刻後附拾得詩一卷董干詩二首有唐台州刺史閻邱允序

十五日作五律一首

十九日作七律兩首

二十日濟之丈七十壽為作一聯曰薇省遂初歸繼志先疇七
真神仙園綺壽粉鄉行善樂庇寒廣廈萬家生佛海紅坊海
紅坊其所居也

廿一日得仲午函問米真閣帖源流據云善為潘氏藏石曹歸
張仲仁今在洋人柏樂文處媿未能詳也

廿二日作七律二首

廿四日作七律一首

三十日元和相國自都門假旋前日即聞抵里尚未往拜今日
來先施八年不見矣精神矍鑠步履如常歷數舊交落落幾
星屈指無幾

二月

初五日閱申報禮卿前輩作古追溯平生愴然不樂作沈芳
衛輓聯良驥康莊發軔初馳樓下履綦猶未沫象魚至孝舉
棺竟去山陽笛韻不勝悲

十三日作七律三首

十四日元和相國函來為其長媳守貞十五年具呈請中丞入
告屬列名不可辭魏世補堂醫書兩集裝二函其先德九芝
先生所輯述也

十五日作七律兩首

十七日錄七律五首寄元和相國仲午昨有書來謀為巢隱先生梓遺詩翰五十卷為倡高誼可感今日作一函復之

十九日得陸申甫方伯一函附至其子靜山兩卷一為把酒問天圖一為移情海上圖徵題詞又寒山子集一冊寒拾兩僧象拓本羅兩峰所繪有題詞謂即世所傳和合象亦聞所未聞也寒山寺經當道諸巨公捐俸鼎新今方勾工三月可以落成請布施聯額

二十日得仲午一函送到萬舫所貽巢隱刻資十元又節錄顧鶴逸所藏宋元本目一紙約四五十種頗有精秘之本老泉集胡曾詠史詩皆士禮舊藏也

廿一日仲午來緘言巢隱先生集用白板每字工價一毫八如

精選七萬字百金已足作七律一首

廿二日作七律一首

廿三日作七律一首

廿四日得仲午一緘集隱詩刻資十元濟之夫所助也作七律一首

廿五日作七言古今體各一首

廿八日午後有客踵門投刺為李宗穎先投一函啟而視之極道嚮學之誠願一見為幸並求語石一部頗訝其唐突然擊札頗不俗姑出見之自述號季循粵之南海縣人年五十以縣丞在蘇需次寓夏侯橋曾署按經歷其父戊辰甲榜知縣已作古尚有老母在堂也頗能言歐趙之學知非游士夸談以朱印一部贈之欣然而去作五言古三首

三月

初一日得仲午書由費仲深介紹

芸舫前輩之子

龐芝符助巢隱刻資

二十元可感也芝符之尊甫綱堂太常與弟遂庵中丞皆巢隱弟子作七律一首

初四日作七律一首

初五日午後閱巢隱丈詩契齋集兩卷畢第三卷自咸豐庚申起以年為次至光緒己丑止共七卷此二卷裝在前卻不編年當是其少作也選十餘首亦不盡可存作七律一首

初六日申甫方伯招飲在盤門新橋巷紹興館以梨園侑觴旁午赴之吳中崑曲已寥落如晨星四明新來一全部腳色亦不多兩班合演竹肉競奏響遏行雲視燕趙之聲有雅鄭之別矣演騎蔡掃秦喬錯吟詩脫靴釵釧記諸齣周鳳林年踰

五十矣舞袖登場依然亭亭如倩女張緒當年豈堪回首
初七日閱詩契齋集鶴老儂體效齊梁又喜填小令故詩筆過
於矜鍊往往因巧入纖驚新反俗贈張仁卿一首其刻意之
作篇中如都亭蟬節螟字不使擎天柱撼蜻既倒用司農印
又節去蛭字河上清節人字此非歇後直是截足適屨墜於
魔窟矣留之恐貽白圭之玷去之則精騎無多矣

初九日作長句一首題韜庵子把酒問天圖作者如林俞階青
鄭小波詩詞為甲其次則子飴一詩一儂體尚不墜家風也
初十日又題陸靜山海上移情圖亦成長句一首燈下撰寒山
寺楹帖枕上改定之 木屐祥冠世外寒巖頌古相傳如雪
竇 鐘磬塔影山塘精舍到今依舊屬雲陽 附識語云願
云美塔影圓在虎邱雲巖寺之陽用後漢書宣秉傳署曰雲

陽草堂今雲陽中丞下車清節同符巨公重興利竿振寒拾
之宗風存吳閩之名蹟甚盛舉也爰拈此為頌云

十一日作五言一首二十韻題先師西園先生梅花燈影卷並
有序前作七律一章收句綸字韻用莊子齊物論鑿下檢原
書無謫先錄之

十四日作七律二首

十六日作七律一首

十七日作七律三首

二十日作錢烈婦傳一首閩中報記襄陽有梁太守程慶基碣
新出土一字不損今藏縣高等小學堂當函致曹根生同年
求之

廿一日古惟前輩伴來贈新撰詞三種周草窗二卷一冊吳夢

窗四卷二冊刻甚精又彊邨詞一冊別集一冊皆其自著也
得趙學南書謝贈書捐自言有志流通古籍十年之內可刻
成叢書一部吳枚庵國朝詩選棗梨已歲即日可以見寄
廿三日得聰生函商刻巢隱先生遺稿板匡欲仿知止堂式可
從也

廿四日作杭太君傳一首筱軒之母也

廿六日閱詩契齋集兩卷鶴老喜倒押韻如巢父孔閒居潘之
類皆汰去之又名心太熱一第得失津津齒頰亦宜去去之
而所存僅十之五六矣

廿八日得仲午函送至雲自在圖手卷為費仲深屬題圖為乾
隆閒松筠庵僧溥雲之小象張陶山引首并有詩跋名人作
者頗多黃再同前輩得於都門幼樵文作緣歸於芸舫前輩

因卷中有其先德手跡也芸公作古仲深攜赴都下庚子拳
亂失之今從廠肆贖歸亦一重文字緣也閱詩契齋集畢卷
七後但編年不分卷精華在五六七三卷前二卷皆少作後
半冊皆捉刀所存不過十之一

廿九日致仲午一紙詩契齋集兩冊文章公器不敢以一人管
見遽行論定請與萬舫丈共酌之

四月

初一日室人之殁歲一周矣今日建除靈前行釋服禮愴念身
世浮湛濁界不如攜手於地下慘然不樂午後壽芝來攜所
撰金源積山段氏二妙年譜一冊求弁言先有張又純太守
序

初五日閱報得羊城警耗革黨焚督署劫軍械庫不克張堅帥

攜印信毀短垣出避至水師行臺與李提督準指揮禦敵晦朔兩日擒斬無遺黨首胡衍鴻未舉事之先即以漏師被獲官軍所以操勝算也聞黨人皆二十左右英銳子弟愍不畏死亦可憐矣

初八日巡警道汪頴荀觀察創醫院落成折柬招赴之官場皆集中丞募修寒山寺屬搜輯唐宋以後藝文文字之役無不可承教允之

初九日得申甫方伯函送至寒山子詩石刻三十首

十二日作七絕二首

十五日仲蕃甥來以臨川集付之錄擬寒山子詩二十首

十七日縣橋楊估來送至新裝石窟寺幢二通又携示韓補瓢詩文稿六卷此等無聊集部從前一錢不值今索實價至六

元僅四冊耳又言有批校韓柳集韓集東雅堂本張曲江及
金劉屏山元劉靜修諸集共三十餘種千番始可脫手是直
與宋槧同價矣作緋詞一聯鞞祁冕庭論學魏河汾戲難需
才相期房薛非常業蜚聲徧海嶠修文赴召太息應劉未永
年

十八日仲著來繳臨川集又攜去吳郡志一冊乾隆蘇州府志
一冊錄寒山寺詩文

二十日芸巢在鄉亦如鄙人深居簡出十六日來暢談今日飯
後聞者忽告其步行至此知必有事至出見之則袖中出二
百金一券言仲午助刻鄙人詩文集蓄念已久屢欲面致皆
為余先發所阻再拜稽首而託之聞言大詫在仲午篤於師
門竭誠盡敬可箴澆薄之俗鄙人何德以堪此即告以拙案

叢殘無次編定未知何日此時實未敢遽領則又致仲午命不作刻資即為此藏書紀事詩刷印紙墨之費委之而後去薄暮又得仲午一緘送至裴伯謙大令湖海崑崙錄四冊中記蘭舉過從曾贈以邠州大佛寺石拓八十通鄙人則忘之矣兩人同夢一人寤而誌之遂令余重入夢中耳

廿一日午前攜券訪仲午擬面辭未值歸即委婉致一函遣奴子將命仍持還其意甚誠勢不可卻然受之實疚心奈何又詣芸巢齋以仲午事告之借歸唐六如集一部中有寒山寺募鐘疏擬傳錄一通

廿三日以唐六如集王百穀集各二冊南昫文錄百城煙水鷗陂漁話各一冊共書七本付仲蕃甥傳錄寒山詩文

廿五日得都門佩鶴函寄眉韻樓詩話初編四冊以陳季方詩

集梅葉閣文集各一冊吾宗已畦集褚仙根行素堂集各二冊託仲著傳錄寒山事實

廿九日仲蕃甥來又付以徐侯齋居易堂集二冊陳文莊無夢園集瞿罔卿集各一冊錄寒山詩文

五月

初一日閱湖海崑崙錄自潼關至酒泉三千餘里從前輶傳所經亦有記述遠不如其精且博發摛經史大義或論時事能抒心得頗有見理之言深愧弗如

初四日仲蕃甥來又以歸愚詩鈔小浮山人詩各一冊付之長沙宗人煥彬吏部名德輝精於流略之學十五年不見矣去歲湘省民變株連與王益吾祭酒同落職新舊交關非其罪也今日忽有評賞函來言到蘇省墓寓閩門外惠中旅館約

期良親即復一函告以初五六兩日皆在舍當埽徑淪茗以待贈先石林公遺書七冊石林燕語二冊附汪應辰辨一冊巖下放言玉潤雜書合一冊石林詩話一冊避暑錄話二冊皆新槧尚精好篋藏先集有春秋攷建康集石林詞石林奏議得此所缺無幾矣即以語石四冊報之

初六日煥彬吏部來久談言石林公文集詩餘奏議春秋攷辨之書將以次付槧又以譜系相商榷屬輯吾宗撰述目雖允之精力不逮矣

初九日石震寺兩幢裝池家顛倒錯亂不能得其原序為理而董之開元一刻存五幅闕四五七三面長興一刻闕第四面尚存其七雖通人非專門不能措手肆估奚責焉

十四日得煥彬函自上海來已由林屋逕赴滬矣寄贈宋趙忠

定奏議一部別錄一部皆其編輯忠定遺文宋以後無表章者亦曠世之知也商譜例必欲聯寒宗為一族其例分四大綱自石林公以上為前編仿通鑑前編之例雖無世次可攷疑以傳疑存而不論東西山正支為正編蘇浙皖分支無世系可挂線者為外編碑誌園記詩文之屬為別錄尚可從仲蕃來繳書而本前錄百城煙水乾隆府志但有寒山寺詩文楓橋皆見遺不知橋與寺相聯屬不可析也鷓波漁話王郇公封國年月一則亦未錄此三冊仍付之又付吳郡志中吳紀間漁洋指華錄低願堂題跋五燈會元指月錄各一本十五日蒿隱夫人函來約往檢文園遺稿約死留皮病榻之遺言猶在何敢辭但病體未能即赴約請稍展其期

十六日昨宵卧後聞鈴聲似一騎馳來既而叩扉斷續甚厲心

頗訝之今晨起亟詢奴子則郡解送書至筱雅太守為中丞
索寒山題詠亟欲付刻文字之役半夜敲門過於風雨催租
矣一月以來網羅典故擬仿靈巖聖恩之例輯為寒山寺志
一伽藍地雖非如府縣志必集群策群力經歲月而後成一
人屬稿亦何能為急就章即寄一函以此意直告之

十七日得筱雅同年函言寒山寺陷壁貞珉尚有八石未刻也
丞亟須饒貧糧即檢出詩文五通詩王臨川二十首陳季方
十四首彭南昫一首文瞿汝稷徐昭法各一首共十紙作一
函寄去

十八日得何筱雅郡尊函中丞見寒山詩文喜為得未曾有此
何足喜耶朱晦翁陸放翁兩札東瀛島田翰本摹刻於簡首
昨以告今日即索觀甚殷適詠錫午後來即命遙錄一副本

又從困學紀聞得何此瞻識語附錄於後又得煥彬吏部一
函論寒宗譜系從林屋來發在滬函之先而後到

十九日章式之來已由吏部改調外務部兼領圖書館即刻進
京過此話別述所藏秘冊有宋太宗實錄殘本一卷又有民
鈔記略言董華亭有子不肖得罪鄉里署書楹帖思翁八疏
寸紙毀滅無遺瀟宮什碑不啻也民者輿論鈔為籍沒之詞
又有大觀錄題吳郡吳敏紀所見書畫如張青父朱野航之
例吳敏郡志無傳菽文亦未載其目然蘇齋集嘗稱道之又
言黃堯翁所見錄稿本十餘冊歿後付瞿木夫庚申劫後為
陸存齋所得其所著羣書校補郭象之竊莊也皆聞所未聞
廿四日申甫方伯函來送至寒拾問答一首又言薛叔昀筆記
中載寒山寺僧中革毒事皆饋貧糧也約泛小舟借橘農同

年登寺閣落成即復一函允之而措稍展其期輯寒山寺志
發凡起例前兩日成志橋志寺兩篇今日志塔一篇又脫彙
廿五日輯寒山寺志成志象一篇

廿六日得申甫同年函附至庸金筆記一則述寒山僧中革毒
有關興廢之迹不可以不記又言此次重修詩文可附記簡
末更及楹帖則非志例矣寺志續成第五篇志鐘

廿七日輯志碑一篇未脫彙

廿八日續成志碑篇次寺志第六又成志僧一篇以次為第七
廿九日輯寺志志游一篇未竟

六月

初一日續志游篇竟又州志事篇次第八第九

初二日得伯南書繳鶴巢文遺詩原稿二冊新鈔二冊其表姪

周子槃攜來即其所錄也輯寺志成志詩一篇第十為殿

初三日寒山寺石刻中丞之意但錄詩前稿尚不足筱雅太守以一函來請益即自郵復一紙取吳郡志所錄詩十章應命寺志十篇已脫稿昨今兩日又以寒拾事蹟寒山子集題詞排比成帙附於後為第十一十二兩篇終焉此兩篇無小序以其為附庸示有別也溯自首夏瓶稿發篋陳書櫺祭彌月不半月而卒業以攷獻徵文之事等於風簷角藝又似星使馳驛廚傳騷然倉皇供帳塞責而已安能有佳構乎

初六日蔡若屬撰祠堂石闕柱帖兩聯前一面上聯為 先外

祖花嶼公義莊贍族 賜樂善好施額下聯為 外祖繼妣

沈太君百歲坊聯曰孝友任邱睦媿三物賓興贍族莊規師

范氏壽富康甯好德百齡帝錫旌閭人瑞際堯天後一面上

聯為前二舅姪在室剗股旌孝女即繁若之太君也下聯為
今繼室沈太君守節尚未及年例勒石以待聯曰孝女叔先
雄彤管有輝大書瀧岡阡表 熙朝芒慈母喬松不老長留
武梁祠堂沈為繼母故以鴈鳩七子之母為比又生存列於
祖禰之間故曰不老曰長留此聯殊不易着筆

初九日得仲午兩函昨宵已先來一緘並送翁言報三紙此報
為函穰卿主筆專糾各報之橫議亦警世鐘也又須靜齋雲
煙過眼錄一冊西圃師遺稿萬舫丈欲付手民商刻例

初十日昨聞鄭小圃言同治蘇州府志寒山寺有姚少師記前
事茫不記憶即從芸果借閱並借顧詒百清嘉錄錢棋溪履
園叢話今晨即以一束送來並為趙學南轉貽新刻明懿安
皇后外傳一冊又以所撰寒山寺記拓本見示

新上檢郡志

果有姚記寒拾皆在隋唐間而此記迺云元和中寒山縛茅於此其言何可据不知當日從何得之今篋中所藏姚少師集鈔本並無此文也同治志寺觀一門即為鄙人所纂四十餘年惘惘如夢此次不能不糾正狐狸埋之而狐搯之矣尚有韋左司詩均錄出願錢兩書無可采即作一函并還之五妹送來元吳孟思廠隸書離駁仿秦篆千字文卷子後有張雨杜本黃清老戴洙蔡宗禮五跋皆元人明以後無一字疑已割去下半截楊老嬾漁之物也此老可憐未敢以市道待之十一日新年與槩若高集股營業仲侯亦贊成其事適孫昇茂莊欲名盤此莊三十年前營業甚盛孫春巖丈與其子蘊苓太守寒家兩世舊交也今皆已宿艸蘊翁之長子號復生在京往返函電不能決今由其次子為政王濟川為介始定約

今日榮若偕李振聲日晡來並招仲侯至言明存貨四千餘元歸榮若尚有機二十餘張生財經緯之屬共約三十二百元先付定五百元十五日兩面交割吾莊用先業舊牌鼎新即以復舊共集十二股股五百元寒家認八股四千元榮若仲侯各千元二股合六千元為營業之本孫莊不支由於虛本實利長年耗息主人又取攜無節非戰之罪故仍聘其執事李振聲經理一切十八日開張此篇文字不過韋孟述德詩循族世之所嚮非牟利也

十三日陸方伯招明日游寒山寺在胥江會集午後作一緘告以扁舟運出楓橋棹以待

十四日晨起以八百文喚扁舟出閤門十鐘至楓橋泊日甫亭午聞氣笛嗚嗚聲知方伯驕從蒞止一葦之航與我我巨艦

對泊主人立鵠首相見並見孫展雲觀察歲驥橘農鼎孚雨
同年芸巢智涵叔彥賓主八人即在水牕布席舫廚精美照
例先以肴點果腹同登岸主僧偕一小沙彌迓於寺門外監
修委員伍從之亦出送山門之內新建御碑亭工未竣內
為大殿殿後精舍三楹上有樓據一寺之中窗牖洞達憑高
四眺遠山近水平疇略約二三十里皆在目左為鐘樓右亦
有小樓一角回廊繚曲院圃清曠結構頗不俗伍委員導觀
土中新創出各碑一吳縣鄉都田役明嘉靖中知吳縣事葛
淳立又有隆慶社倉一碑皆非寺中石刻惟一告示碑歲豐
開修繕禁約所立又有長條十餘石內一石記乾隆三十九
年住持宣能重修大殿皆郡志所未詳其餘皆檀越姓名無
裨攷証適陽光漸翳登樓圍坐涼風徐來長談至兩鐘之久

始下船即開尊再酌嘉肴苾芬既多且旨大小三舟皆由輪
船拖帶取道綵雲港繞出橫塘至胥江馬頭適罷酌主賓皆
倦興辭各散仍孤棹歸抵花橋天色暮矣

十八日從積霽中朝曦騰上之際聚若仲侯先後來即在廳事
拈香行開幕禮共祝利市士食舊德之名氏商循族世之所
嚮寒家實兼此二義民生在勤勤則不匱無欲速無見小利
敬為執事諸君子誦之君子創業垂統為可繼也已所不欲
勿施於人鄙人其敢不勉十弟亦至晨出暮歸非主非友非
徒但令從旁練習冀收十駕之效監督則非所能也

十九日寄古惟侍郎一緘求書門樓額明哲經綸四字謝康樂
述祖德詩語也以吳孟思篆隸卷還五妹錄五跋於後後二

跋節錄

離騷

分書

元統二年歲在甲戌正月望濮陽吳獻書
鈐吳孟思章下同
千字文

至正四年歲在甲申二月廿日用詛楚文灑為如川寫濮陽
吳獻

嘗閱趙文敏公四體書千字文其小篆用漢法未若秦篆之特
絕孟思創意師古集錄千字亦翰墨客卿之一奇也得者
葆之吳郡張雨記

張雨私印句曲
外史二朱記

莆田鄭氏以石鼓出於秦斤秦權石鼓今存而秦斤秦權罕
見詛楚文亦必有如孟思之所集而孟思又集詛楚以為
千文愈出而愈奇矣京兆杜本題

跋如川徵君所藏詛楚書千字

秦用李斯程邈文體一變周制掃地石鼓秦斤秦權所存秦
山毫芒耳此卷集詛楚文凡千字予讀而喜之非喜秦權
之猶存也喜周書猶有傳於後世也黃清老跋

五經世家黃清老子

蕭然水之印二朱記

廖君如川出視此卷皆平昔鉅公名卿及文菽之士所遺翰
墨葆之獨在嗟夫如川其古有道之交者與不然焚滅壞
爛之際則吳君孟思之篆隸將泯而無聞矣卷中所題京
兆杜公者余先師也而張君伯雨黃君子肅則嘗接於先
師之門 至正丙午歲夏五會稽戴洙有戴氏宗魯朱記
今觀如川廖徵君所藏吳孟思書八分離騷經與集詛楚書
千文凡三千五百餘字 敬書絕句三首以歸之時至正
廿六年歲次丙午五月丙午端陽節會稽蔡宗禮識

忠孝先生隱者徒解推甲子定賢愚空囊貯得三千字盡是
摩尼徑寸珠 二篆相因變八分世閒字畫始紛紛自從虎
卧龍跳後更有何人識古文 子美曾為小篆歌退之石鼓
更誰過昔人已歎才能薄老我於今復奈何 是日試郭忠
厚墨書於錢唐寓舍之退思齋有蔡印宗禮蔡氏考文
石經傳家履庵四宋記

二十日至五妹處知吳孟思手卷東壁淮海之物前云楊嬾漁

託詞耳

廿一日午後獨坐無聊招振聲共談始知其故居在舊學前為
大儒巷分支六七十年前亦設李天昌緞莊由是知其父筱
竹為 先曾祖妣李太孺人之曾姪孫世系雖遠因為中表
至戚余忝為尊行無可辭遂一一詢其家世童時見聞若合
符節有蘭生表叔者從前在寒家課先叔為其從祖殉庚申

之難遺一妻身故不及十年即振聲為經紀其喪鄙人入都前歲時尚往來自隴歸始不相聞不意適然相遭且在寒家轉移執事巧不可階矣

廿四日紗緞莊規打線積頭槌絲等工皆有舊業祖傳之孫世為箕裘師與其弟亦有衣鉢極似科場時代京師之刻字鋪寒家罷織已五十年雖有淵源遺老彫零無可質證此次來者大半皆挑僮李代主客互有強弱彼此各一是非振聲不能決午後來請命師丹雖老記事珠猶在懷中也即出以授之

廿六日以一函告仲午并繳須靜齋雲煙過眼錄此書理齋先生記其所見西圖師追錄成帙午後為哉安寫執鞠圖顧鶴逸所繪蒨麗秀逸真高手也題詞已有十餘家曹揆一二絕

陶心雲一跋尚可觀

廿七日劉姬以無所出求螟蛉一女一年於茲矣涕泣以請二弟婦與五妹為緩頰解卿又願為物色觸暑奔走始於前日覓得一女孩僅四歲由嬰堂寄養廟堂巷李姓女傭往傾歸云體格尚健全語言亦清朗不得已允之垂盡餘年作繭自縛親生彫盡苦至於此哉安日晡來談稍久痛言審判廳之流弊不及十年必至上下無章康莊皆成荆棘可歎也

廿九日煥彬吏部自長沙寄贈家刻叢書計觀古堂棠刻書第一集十三種第二集八種皆八冊觀古堂所著書八種八冊麗廬叢書八種八冊重一鬻子郭氏玄中記合一本淮南鴻烈閒話淮南萬學術傳子傳玄集各一本煥彬自著古泉雜咏二本消夏百一詩一本又吳荷屋辛丑銷夏記五本覺述

要錄二本翼教叢編三本三教搜神大全二本共五十二冊
哀然巨帙速道邇來其意良可感然譜事愈不能息肩矣

閏月

初三日鄰鄉自嬰堂攜女孩至年四歲劉姬渴望如甘霖老夫
則又多一萬藤昨宵夢一吐綬烏醒後甚了了字之曰綬生
初四日仲午來贈費夫人墓志一通芸舫前輩之女綬之之媳
也旌德呂碧城文桐城姚蘊素書吳芝瑛篆蓋皆女士吳為
華甫先生家閨秀錫山康惠卿之配有才名她書道健有法
學劉文清入室一時三絕不徒為碑版家別開新例也

初五日得仲午函以萬舫丈函見示商改須靜齋過眼錄告以
字句宜存其真不必改也彼雅同年夜來一函並示程中丞
書拙稿送鄭小坡參訂文章天下之公器不妨商榷此老服

膺鄭學植園坐次察言觀色而知之

初九日曹巷皮望各貽一貓王貓純白質身長而細兩耳甚尖
翹然上聳名之曰雪驢呼曰驢兒李貓白質黑章面圓體短
名之曰霧豹呼曰豹兒以其喜避人白晝常隱人靜始出
十一日寄仲午七絕二首謝餉惠泉昨宵枕上所成也

十二日得仲午函須靜齋過眼錄亡友西蟲同年有籤記萬舫
丈舉疑義三條相質

十四日仲午展來一緘寄示萬舫函問吳越王後景珠其家先
德年譜作臻孰為正字陶慶何人何號告以陸劍南集有錢
武肅鐵券跋景珠為文僖公惟演之孫又查宋史錢惟演傳
三子曖晦暄景珠為暄子其字均作臻臻字誤也陶慶吳縣
諸生原名懷茂乾隆五十三年入學見青衿錄其字則未詳

作五言小詩二首

十六日仲午來還知止堂集一冊每半葉十二行高定巢隱詩減為十一行得古惟前輩函新自滬歸以門額明哲經綸四大字見歸道健雄厚氣息在顏董間附至成竹山香雪舟梅圖屬題吳倉頡畫並有引首題詞作者林立成君未識荆頗難於着筆也

十八日得沈友卿太史書以井梧懷舊圖屬題並示自撰記一首

十九日作古詩一首

二十日申甫中丞晨來一函寒山寺求樊山方伯楹帖未來得其覆函見示以文采可愛欲登入寺志志事一門本如郡縣志雜記之例瑣聞叢載皆所不遺拙稿寂寞願得名作為助

即允之雅圖晚來以知止堂集付之詩契齋稿白板仲午與
議定每百字一百七十文

廿一日煥彬自長沙來信極論湘學淵源上自船山下逮曾文
正郭筠仙今之湘綺葵園皆有微詞而歸宿於諸家一無師
承大言炎炎洋洋十餘紙此亦學中之強項也

廿二日為孫壽芝作跋一首

廿六日仲午飯後來談以新裝文勤師遺墨一冊屬題中有與
平愉香嚴書數通

廿九日何筱雅太守來兩緘先一函附還拙稿又示中丞函是
正五條雖人人所能見到尚得要領至鄭叔問所簽則如嚙
如吠聞之迷瞶固知所從悍然奮筆刪改大言不怍真是毀
瓦畫漫著書義例全未夢見此真妄人奚足與校後一函又

索前稿去想塗抹尚以為未足姑付之亦加一簽未大露圭
角俄領事格羅思以寒山寺公燕在座求附名簡末外人亦
好名邪但此會非俄一國領事亦非格羅思一人日本人士
聯襍來茲者踵接各國來賓姓名應否並列請中丞自酌

七月

初二日筱雅同年先來一函言中丞欲留拙稿付寫官並索還
前示一函即付之另牋作聖證論訟言攻鄭學又以一函來
謝過歎後詩不可讀於諸公何有

初五日消孫病篤至未刻溘然化去矣痛哉此子雖螟蛉奇慧
可愛斗室獨處每至慘無聊賴之際呼乳娘抱至輒怡然以
喜自到寒家僅一期彩雲遽散豈藐躬罪戾至重天罰極酷
雖移植之苗亦不可以穫耶

十三日仲午晨來一函附至須靜齋過眼錄新雕樣兩開字體
疏放極似汲古刻唐人詩亦似葛氏永懷堂本視通行梨棗
已超出恆蹊但價至四元一千亦可駭幸不踰百番紙若巨
編何以為繼乎

十八日 皇上典學令辰九鐘赴高校慶祝在座見國粹學報
後附叢書目共四十八種搜羅桑海遺民之作頗有秘笈勝
於振綺也每部價十五元六七八九折以書價多寡為率

廿五日閱報全蜀鼎沸 朝旨派劉公統軍入川又起岑雲帥
治兵勦撫兼施陳涉吳廣此其發難之初揭竿響應者其先
在兩粵乎三湘其繼

廿六日校李思訓碑以舊藏一宋拓一明拓與平等閣影照本
對校平等亦稱宋本有弇州尊谿兩跋始知其為贗鼎前半

尚具優孟衣冠自灌以往遂無足觀

廿八日作七古一首

廿九日張仲復自海虞來言常昭兩邑搶米城鄉富室無得免者衢巷粒米狼戾蓋藏一空邵伯英前輩以完義倉尤為怨府房屋器皿搗毀無遺家藏書畫尤可惜其實倉政但尸其名平時搭克以自肥者其戚俞某已以寒措大一躍而為多田翁今雖徧張揭帖自明無罪啞臍何及以王良齋侍御集四冊付之託繳鐵琴銅劍樓

八月

初一日作七律一首

初二日取邠州大佛寺石刻雙鉤宣和一通老目昏眊未能纖毫畢肖如欲著錄祇可援劉氏三巴晉古志之例縮臨較易

初四日作五古四首

初五日伯南來攜贈歸元恭集二冊寤寐求之非一日惜是鋼筆寫機器印不啻公私簿籍豈堪插架出大小石章四方付之請代求祝心淵鐵筆一曰雙雲閣謂宋拓李思訓金拓李秀兩雲麾也一曰奇觚廡其二聯章名字印以拙稿各一部為費得仲午緘示舊書四種一文巾子據云尚有揚子法言明嘉隆以後刻非佳槧一雲煙過眼錄鈔本甚精有植字圓印臣瑩方印查映白讀書記又有安麓邨一印梧桐鄉汪嵐坡兩記此本當從浙中來又李空同擬古樂府上下二卷裝一冊眉端有史可法印朱色刀法均古似非贗作朱墨筆密如斜風細雨皆解題亂頭粗服天然道媚如出自梅花閣部則球鏗環寶矣一石鐘山集明王恕輯續集出其姪元佐前

有成化七年商輅序後有壬辰胡榮甲午黃瑜兩跋恕自序
在後元佐續序轉在前鄒一桂藏印最先其次袁又愷將懷
堂皆有朱記蔣住蕭家巷亦吾郡藏書家也

初九日自摹邠州石刻二通

十三日出舊藏碑版一箱抖晾韓魏公狎鷗亭詩一通拓甚舊
已零爛其餘亦有蒸溼痕非用箱架高度不可摹幽州石刻
三通

十四日昨開拓本午窗重晾一編即歸筭摹邠刻三通祝心淵
來始知其尚未成行攜贈南昌大安寺鐵香爐款楊吳大和
五年造又以奇觚願雙雲閣新雕兩印先見歸據言是微生
之醴但不告某人刻雖浙派腕力尚清勁

中秋日晒拓本第二箱摹邠帖一通

十七日邠州高叔夏造象一通聖歷元年共二十二行背臨三日始畢又摹康定一通

十八日得心湖一函以臨川李氏所藏宋拓李秀碑石印本見贈朱椒堂撫刻之真祖本也始知所得一本為黎邱所眩矣臨邠刻三通

十九日晒拓本至第三箱摹慶壽寺石刻二通重摹了然詩一通

二十日摹邠石二通叔彥來長談架上有楊齋經說殘本三冊錫詩閱惠安孫經世撰三十年前香生太守寄示以其非足本未付刊然孫君在嘉道間亦學者而名字翳如傳本亦寥寥罕見鳳毛麟角彌自可珍即請彥老論定與漢經師家法是否密合可為傳刻否以其一言為表準撰輓帖兩聯一為

陸振之大令作 道出燕趙間為老友停車絃誦相聞免母
里 戰經日俄後看佳兒製錦竺裘不墜蓋公堂 一為三
舅母作 為先舅氏苦節撫孤料理尚平婚嫁願 是善女
人長齋繡佛證明般若去來身

廿一日芸葉函來比翼南旋圖作七律四首彈丸脫手如初寫
黃庭恰到好處古惟侍郎來攜南宋劉一止茗溪集五十五
卷見示從杭州丁氏善本書室傳錄新付手民求作序允之
據云其同鄉沈杏墅茗之首富今年一母一妻一妹全家同
逝遺資鉅萬以遠族承祀提十萬助桑梓公益此書剞劂費
亦從其中提出可嘉也以新刊拙橐六冊贈之久談而去送
客後案頭見報紙驟然有武昌失守之信駭甚亟披閱之革
黨中秋即圖舉事先期漏師十九日漢口獲劉耀熙一名省

城捕三十二人劉汝夔楊宏勝彭楚藩三人訊實先正法是
夜八鐘新軍除步隊四標外盡揭竿而起省城登時失陷總
督瑞澂出避於楚材兵輪統制張彪受重傷武漢為水陸通
衢江波騰沸且夕間耳革黨屢起屢躐非有新軍終不得逞
養虎堂與誰之咎歟吾輩處危牆之下安能瓦全即告振聲
為誦桑土牖戶之詩

廿二日拓本發第四篋天高氣爽正宜抖擻午後仲履偕瞿良
士見訪適送報人至又見漢陽失守革軍已渡江而北佔兵
工廠來福槍二萬枝過山砲野戰砲皆為所有虎兕出柙不
可制矣相與太息良士世居菘里村為吳下桃源並與訂避
地之約而去得伯南書附至江甯徐積餘觀察一函寄贈魏
興和二年程榮造象唐咸通五年張万迪香幃子拓本各一

通閩秀詞鈔一部懷幽雜俎一部各六冊懷幽皆舊雨之作
古惟亦有梳鞠錄一種在內為劉聚卿參議題雙忽雷圖作
長歌一首苦吟至深昏方睡際此天地翻覆之時頭白老翁
猶按檀板唱楊柳岸晚風殘月叔寶豈真無心肝邪

廿三日報述鄂亂勢益張閔即鈔瑞澂毫無防範禍機猝發省
城失守實屬辜恩溺職著即革職暫署湖廣總督以觀後效
並着軍諮府陸軍部迅派陸軍兩鎮赴鄂勦辦海軍部加派
兵輪飭陸鎮冰督率前進並飭程允和率長江水師即日赴
援陸軍大臣蔭昌迅速前往所有赴援軍隊均歸節制調遣
楚之荆宜湘之長沙蜀之重慶嘉叙流言紛起茫茫大地如
炸彈爆發頃刻燎原新政收效固極神速鐵路固有之政策
又足為導幾夫己氏之內其足食乎

廿五日三日晒拓本四五兩箱裝訖

廿六日晒拓本第六七筭

廿九日滬上商市糜爛銅山西傾洛鐘東應風波之惡不在兵禍而在金融履霜堅冰其來漸矣作七律四首

三十日拓本裝畢舊藏書畫以次料瞭敦煌石室乾德畫象內夾油紙經蒸溼後膠黏牢固手自揭開已損四五字罪過罪過作七律四首

九月

初二日聞滬市有江甯新幣風波稍定此間金融仍無流通之望機匠已什百成羣鋌險可慮叔彥來以道義相切劘韋絃可佩旋乾轉坤惓惓於項城之一出則未敢信為篤論也伯英來前兩日已有避地之說人言鑿鑿今始知為訛傳一牛

鳴地尚能造言生事無怪漢皋勝負傳聞異詞也聞卹鈔發
孝欽顯皇后宮中遺帑二十萬兩交袁世凱賑貸災民

初三日作七律四首

初七日江防戒嚴訛言紛起廣州將軍鳳山赴粵履新甫登岸
即被炸賴皖湘蜀遠至關中皆有警耗哉安晨來高辦同巷
守望言湖口軍變已確九江岌岌淪陷在即湘蜀日來無安
電人心已去大命將傾吾儕小人不知死所寄申甫同年一
函和留別詩四章傳聞武進為諮議院所劾革職永不叙用
禍天下者此人也薄懲奚足以蔽辜

初八日訛言愈甚鐵甕金陵六橋三竺皆有警耗飛來移家輿
馬不絕於道聞齊門外火車至無容膝地伯英榮若盡室行
滬上傳言蘇六門已下鍵叔敦甥馳歸省母即去其實皆自

擾也此次之亂瓦解土崩天地為籠逝將何所蚩蚩者苦不自知耳作五律三章

重陽日燈下摹邵帖一通閱卹鈔感宣懷革職永不叙用平反川案蒲羅鄧顏皆開釋所以平民忿也

初十日閱卹鈔瑞激不遵旨帶罪圖功電奏兵艦煤盡而至九江九江兵變而至上海貪生喪恥實堪痛恨着張人駿派員迅解來京交法部嚴訊治罪

十一日摹卹石二通

十二日孫壽芝來言智涵昆仲亦盡室行芸菓尚守其故廬不去訪哉安未見風聲益惡湘垣淪陷已見卹鈔壽平革職暫管撫印責其帶罪圖功贛省兵變撫逃似亦確 朝廷下詔罪已有云怨積於下而朕不知禍迫於前而朕不覺川亂首

發鄂亂繼之陝湘警報迭聞廣贛變端又見區夏騰沸人心
動搖搶攘之狀如見拳卯刻二通

十三日保定正定深州皆有警耗傳聞太原兵變申甫同年不
屈被戕前函猶未達也臨危授命在臺臣中庶無媿色吾同
年為不死矣

十四日早晨黎若皇皇然來云上海去矣今日黎明介福網莊
遣僕來報告不得其詳徐杏生旋趁早車來言目睹聞北巡
防局及城牆均白旗飄颭偏貼軍政府告示革軍何自而來
官軍何以一無抗拒耕市者弗止芸者弗變湯武所不能有
者何功德而至此真不可思議勢不得不出探之即命與先
詣芸巢適汪甘卿參贊在座亦於今晨七鐘自滬附火車九
鐘到所言與杏生同並言都門亦有變與中接閱報紙已宣

言昨日八鐘革黨占領上海城並載中華民國民政長官李
安民告示一通李者即李平書也又軍政府示一通滬道出
避租界田大令尚在城九點半鐘道署火十點鐘縣署亦火
嗟乎上海果棄如敝屣矣浩然一歎即息息歸禁若又來言
中丞將宣告獨立平愉鼎乎同進見有成說大旨謂欲免生
靈塗炭不得不出此權宜之策敬聞命矣旬日之前即有人
言□□腹有鱗甲深沈難測里巷無知亦有頌言不諱恃以
無恐者鼓鐘於宮聲聞於外今始知人言之非虛也去後即
遣人來言今晚六鐘楓橋新軍營有馬隊入城宜家製白旗
以待嚴扃門戶毋早睡益疑駭亟自往詢其實則聽藝以電
話警告亦出佛憫之意蓋以兵變塗飾耳目且恐有梗拒者
以此示威也嗚呼人紀絕天理滅矣我生不辰逢天儻怒室

人先我而去何幸如之

十五日重雲黯黯氣象愁慘大街小巷徧插白旗密如櫛比我生之辰即為我死之日而不即死媿對祖宗憤火上煎憂心如沸哉安農來告中丞昨集屬吏而告之警道吳觀察抗議撫他事撤罷之以郡紳河南革道蔣煥庭代其任今日撫轅接新印大旗高挂一曰中華民國一曰都督帥府商會自治局集議於元都方丈簽字贊成鄙人居鄉三年閉門一載幸免下筆天地為籠能否脫弋人之繳未敢知也

十六日左方伯有電至甯請兵謠傳甯軍南下又言盤門外覓渡橋防兵兩營與飛劉營統領王元章撫標曾參將皆不贊成同變旋聞六門水陸兩關皆下鍵閤門大街及護龍街頃刻停市引領以望外軍之至至夜寂然振聲自雲錦公所晚

歸言杭城已陷增撫被拘江甯亦有警耗自保不暇安能及此已矣殆無望矣

十七日閔郵鈔讀申甫同年死事。優詔予謚照總督例賜卹。但有褒忠之典並無討叛之詞太阿之柄已下移矣又讀布告天下臣民。詔一通其辭哀痛而迫切不禁放聲一慟。

十九日天傾地坼何以聊生不得已仍以却帖自遣。摹宋仲宏詩一通舉行書百七十八字。晚餐後葉若來談極久言安圖年丈與鐵將軍張提督勳王統領有宏相約背城一戰鞠躬盡瘁而後已。萬一甯軍南下必遭蹂躪不為國殉而與叛人同投一爐悔將何及。又動避地之思山梁之雉色斯舉矣。彼一時此一時時哉時哉未可膠柱以鼓瑟也。

二十日康吉函來言灤州兵諫新領憲綱十九條不啻城下之

盟難猶未已安圖丈存亡消息傳聞異詞甚有誣其變服出
逃者又聞甯軍十九日閉城惡戰使無制府誰為指麾一說
與軍提同駐北極閣礮臺督戰當可信哀此小民慘罹浩劫
此聞人心亦大震適叔母來聚室而議之令一媳一妾挈一
媿齡女奉二弟婦十弟夫婦挈其二子一女共九人同出暫
避雇定蘆墟船一艘定朔日解維遙行赴塞上其地在具區
之濱西殞山下距光福鎮八里松泉先歸為鄉導以全權託
之約叔母亦於明日至此同留守

廿一日榜人晨來運行李襪被之外僅攜兩箱兩筐舊拓新藥
合一包恭奉喜神唐造象宋畫象午刻下船家人灑淚而別
告以安堵即歸前行無畏

廿三日閱師鈔見二十日上諭是 神京雖不靖鐘簋尚未

四十一
四十一
搖為稍慰聞出駐梁溪甯軍正在苦戰報紙醜詆張王二統領歸獄於安帥今之輿論昔之所謂諛辭邪說無父無君春秋之所必討也嗚呼吾不欲觀之矣

廿四日辦卿來久談其家正在東裝翅日攜全家赴滬聞甯軍長驅至京口有兵船四艘水陸齊進吳民大恐張軍即無紀律論逆順之理總為王師何以畏之如虎引領以望者亦惴惴恐玉石之同燼豈非古今之大變到此真無從措一詞矣
摹加刻昨今兩日得四通

廿五日報紙載長沙縣知縣沈公瀛罵敵不屈死事甚烈太原之變申老有一子同殉摹加刻二通

廿六日閱邸抄 詔各省公舉代表三五人赴京與政府會議
又簡十一省宣慰使蘇張寧浙湯壽潛閩江春霖贛謝遠涵

湘諱延閣魯柯劬恣粵梁鼎芬桂趙炳麟滇王人文晉渠本
魁陝高增爵 朝廷屈已安民不為不至

廿八日下元家祭具衣冠而拜依然大清章服聞甯鄂尚未停
戰都門自項城進京人心稍定。

廿九日紫綮孝廉旁午來談言此黑闇世界盪瑕滌穢正需桓
侯之一怒握拳透爪義形於色吾宗之健者亦吾黨之同志
也

十月

小春朔見夫已氏上項城書辭宣慰使農工商大臣指斥乘輿
逼遷九鼎侃侃而談絕無瞻顧若其理甚直而其氣甚壯者
在從前固名士固詞臣固諸侯之上客固鄉望之錚錚者嗚
呼噫嘻

初二日寫邠刻唐李齊妻武氏造象銘無年月金輪時刻共十九行行二十四字分一行為二共三十八行每行十二字六日而始畢

初三日摹邠刻兩通波羅密多心經溫室洗浴眾僧經皆殘字並畫棋子方格鐙下又摹宋楚正叔一通

初四日摹邠刻三通長壽二年比丘神智造象記十八行行九字共一百八十字棋子方格報章載鄙人與芸巢志同道合不贊成革命宗旨其言不誣未敢憎茲多口

初五日枕上聞室中譁笑聲劉姬歸矣頗訝之亟詢何以歸則以寒衣在笥鑰匙隨身佩帶知老夫無從啟鑰十弟不能下筆又無人函告迫不及待昨日午後挈一姬肩行李徒步行十里越觀山崎嶇兩嶺至光福鎮附夜航包一房艙主僕擁

被坐至天明抵胥江登岸雇東洋車至金閣馬路仍徒步進
城疾風知勁草其舊主褒以一忠字其言不誣昔人謂健婦
持門茲可謂健妾矣於襄門宜於亂世尤宜據云賃廡距湖
濱雖近亦有半里許風高水湧浪花飛濺高至三尺淘米洗
衣甚苦之鄰村亦有荏苒之警惟山深地僻行裝踏澹或不
致海盜耳鄉夜來談甚久勸藝居勿出藥石之良言也

初六日幽州司馬李承基造象一通一百六十字昨日抽毫今
日寫畢剝蝕已甚雙鉤缺筆滿紙如蠹齧痕燈下又摹應福
寺西閣功德記一通亦有百餘字

初七日摹邠刻三通明嘉靖一通甚淺率

初八日今秋尚未墓祭光福又時時微風動搖雇定一舟翊日
赴城西掃墓即送劉姬至窰上覘察情勢摹邠刻一通

初九日下鄉掃墓劉姬一僕一媪侍叔母居守昨僱一舟泊花橋已初解維出閭門聞譏察甚嚴而城關未見有邏者午刻過胥江先至楞伽由越來溪抵行春橋泊范文穆祠堂前步行至瑩次祭掃畢已兩鐘即出茭白塘進興福塘至紫石山遠覽松楸鬱蔥無恙日已銜山不敢逗留下船暮色蒼然矣進瀆川至靈岩山塘泊市中燈火如繁星不見離亂之象

初十日遲明鼓棹而西枕上過塘灣辰初已抵善人橋即披衣起盥沐榜人停舟市鮭菜南風甚緊稍駐即張帆入崦遠望虎山塔已在雲際十鐘半泊光福鎮東口曉市尚未散村氓男婦肩相摩挲奴子步行過巢隱先生故居即至大寺周覽古刻壁間貞珉羅列先讀宋常住捨田記嘉泰元年黃三公蘊同妻朱氏妙智立尚有宋殘石四五通元牒一明碑一牒

文署平江路達魯花赤筆勢道麗元時官文書如此豈明以
後所能及唐會昌幢在山門外夾板為表塗以黃泥惟幢頂
各露佛象一龕寺僧果成未值其傭出遊導游殿宇西偏有
精舍三間爽塏幽靜外為桑園推牕可望山色大殿銀杏兩
株閱歲已久蔥蘢猶昔旋登舟飯松泉之子昨附夜航回今
晨即自山中以船來遊但湖中風高浪急劉姬北產不慣乘
船命一僕一姬附舟往雇籃輿兩乘乘八百文與劉姬同入
山先陟崎嶇嶺由費家河至湖上即西圃師墓廬所在望四
梅閣粉垣繚繞由此登觀山嶺兩峰夾道萬樹參天左為銅
井右為卧龍西磧在前山勢折而向右中間豁摩為門湖光
萬頃滢漾在目山頂一荒刹顏曰接引庵署嘉慶咸豐歲月
門外建石亭備游人小憩憑闌四瞻天風吹衣飄飄然如出

塵表下嶺先過一破刹問村人為草庵僧鉢頗不匱而不加葺門外有巨冢長松十餘株孑然特立蔚然蒼秀繼過萬壽庵即為窰上之東口劉姬重來尚未迷路前引至厲從甬道入甚仄拾級而升門內室三間南向所賃臥室即在其左十第 一室在牆門之左中廂即為爐竈一如劉姬所說室後繞以短垣垣外即為高峰之麓種枇杷最多其次桂其次桑楊梅桃杏之屬亦間有之松柏則無地不植家人相見慰勞畢卸裝稍憩即至湖濱眺望一平臺下焚馘磬缺不完從前當有傑閣今為湖波所齧圮矣西望茫茫百餘里一白無垠由此絕流逕渡可至陽羨但非峩峩巨編望洋輒返始知此邨實在西碯山下北為太湖南為高峰一村曲折貫其中自東徂西約長一里餘人家可二三百戶民俗儉樸猶有古風但

以果木為業專事樵采不知稼穡近來艱於生計十室九空
今歲兵荒閭井尤為蕭索

十一日風轉而西室內不覺調刁而門外湖波漲瀾浪花如雪
轟耳若雷知今日舟行又不穩僱筭輿一乘又一村人肩行
季午餐後辭家人歸奴子從登觀山嶺仍在亭中小憩下嶺
望左首林木深處粉垣櫛比知中藏大村落問輿夫名澗裏
為此閒沃壤號殷實下崎嶇嶺見虎山塔即至光福鎮矣臨
行與松泉之子言定按月供薪材以三元為報水七十文以
日計每一旬付七百明日埽天池新塋奴子登舟後仍上岸
置辦祭品畢即放棹入岫西風甚利布帆瑟瑟未暮即抵善
人橋泊夜半風益狂船動搖不定有羣盜持械水陸並進波
面擊檠聲小艇四五掠舷呼敵而過岸上聞銜枚疾走聲此

間亦有鄉團邢尹相避聽其滔滔東下明日瀆川恐有警

十二日辰初即起雇山轎二乘與奴子同入山麓蒿茶尚未
翦穿林越莽始達蓮花峰下徐媪持筐來收祭品言周斯美
處及篁村張氏避地者已滿周覽元堂松茂柏悅欣欣向榮
去年培塿之功也下船已十二鐘即解纜至瀆川宿照來攘
往桴鼓不驚昨宵盜踪竟莫測其所向日晡在蓬窗悶坐忽
季把總求見進而與之語告以中國無君斗升之秩無可戀
不如家食

十三日黎明自瀆川放櫂順流東下辰刻即抵橫塘早餐甫畢
過棗市橋以舟載家具者銜尾不絕途次所傳消息言人人
殊頗有戒心及抵關門洞開無阻至花橋登岸

十四日暮邠刻一通聞江甯為革軍所得安帥出走羣山露布

交馳視天夢夢胡為此醉無量恐怖無量煩惱皆從無量接觸生不見不聞是無接無觸法申報即於今日截止

十五日摹邠刻宋明各二通

十六日寫邠刻唐證聖一通

十七日暮忽聞十弟與松泉之子偕來今晨自窰上附柴船渡湖進城鄉居安謐摹邠州元海元口等造象一通一百五十字為宋人題名磨損殘畫模銅鍍下摩挲老眼僅能得其髣髴閱邠鈔上掄江西巡撫馮汝駿從容就義大節凜然加恩予謚

十八日摹邠刻證聖元年元思教造象一通亦百五十字閱邠鈔攝政王引咎自退奉 隆裕皇太后懿旨仍以醇親

王歸藩邠歲俸銀五萬兩以世祿兩相為太保保衛 聖

躬所有用人行政內閣總理大臣國務大臣各擔責任頒詔
用實覲見典禮由 皇太后率領 皇帝將事政由

甯氏祭則寡人其局已成

十九日募邠州至和二年史世則題名一通閔卽鈔資政院奏
請翦髮奉 旨天下臣民均准其自由翦髮

二十日募邠刻阿彌陀佛贊一通九行行三十二字為後來磨
損泐存不踰百字閔卽鈔閔督松鶴庭制軍殉難加 恩予
謚追贈太子少保賞給二等輕車都尉世職

廿二日募邠州司馬漢川郡開國公造象一通十七行行存十
二字深昏始畢夜聞長空雁聲嘹唳悽然以唏

廿三日募邠州宋題名二通

廿四日到康吉函十二日發新兼電話局文牘科月薪三十元

年內無歸志不歸甚是此間已非 朝廷政令所及舊學亦
無噉飯地間避地者絡繹言旋豈積薪厝火固不虞炎上邪
此次奇變為千古所未有如怒龍挾疾雷而下其勢甚驟蜿
蜒而去先一鱗後一爪不知何日天地始見清夷守株以待
既非計鄉居亦非樂土午後命奴子仍僱定一蘆墟船廿六
日開赴雲上接眷歸募邠州明刻一通又檢得殘佛經二通
似與前錄之溫室洗浴眾僧經筆勢仿佛鈎校一過前拓之
尾即為此拓之首有兩三行聯綴不斷竟是一刻並得見咸
亨紀元百衲斷紋撥劫灰而垂續古緣匪淺禪悅亦匪淺
廿五日仲履自海虞來良士託告願為寄公三窟營其二矣前
錄溫室洗浴眾僧經是殘刻僅五行績得三級首尾鈎貫計
六十行所記行數已不符舊稿已廢重繕一通未畢

廿八日日晡二弟婦與劉姬兒婦同歸十弟全家亦進城送叔
母自返其賃廬此世界真希有世界謂為亂乎流亡漸復不
震不驚爰居爰處謂為平世猶依然巢於葦苕之上也優哉
游哉聊以卒歲亦復危哉岌岌不可終日

十一月

初一日重葦溫室洗浴眾僧經畢越六日矣五紙六十行每行
雖祇存四五字首兩行及末行之末尚未蝕盡首尾釐然可
見從煙霧迷離之中一波一磔摸索而出草蛇灰線若合若
離畫格縱橫交午泐紋斷續鈎連第四紙一誤再誤五易稿
而後成書癡冷澹生澁談何容易聞郎鈔閱督松制軍謚忠
節江西馮中丞謚忠愍

初二日葦邨刻三通皆明人筆著錄舊自元代為斷今用蘇齋

粵東金石略例

初三日摹邠刻一通下有續題實兩通

初四日老友查翼甫司馬來現任松海防同知不見三年矣此次變作革軍踞其署而逐之攜印先避至梁溪今在昇平橋暫居以七律四首見示長談而去摹邠刻造象一通題名二通

初五日摹邠刻四通造象一題名三

初六日摹邠刻三通皆明人俗筆

初七日摹邠刻兩通皆明中葉刻

初八日洋釐增至九錢上海規銀千一百兩市上往來斷絕摹劉克咨題名一通亦邠刻僅二行後一行之左有庚子秋七月十一日八小字俗書淺細其左又有碎筆蝕未盡當尚有

數行別為一刻置未錄

初九日摹景龍造象一通邠之古刻惜剝損過半二十六行行十三字鈎稽字勻而得之又摹宋無年月一通

初十日摹邠刻宋元各一通

十一日閱邸鈔奉

皇太后懿旨唐紹怡電奏人民志願改

建共和政體今日君主立憲共和立憲以何者為宜固非一部分人民所得而私亦非朝廷一方面所能專決自應召集臨時國會付之公決著內閣迅將選舉法擬定施行剋期召集彼此先行罷兵以奠羣生而弭大難天乎朝廷愛民如子舍已從人至德如天如地駕唐虞而上之革莽小臣讀之尚泣數行下彼受恩至深而反噬最先者真窮奇饕餮之不若六十年來赭寇之難奉匪之難幸逃浩劫桑榆垂暮猶

造此滔天之大禍不能稍効涓埃以報君父雖粉身碎骨奚足贖哉摹邠州宋元豐題名二通憤不能平夜以濁酒半杯澆之塊壘未銷熱血空湧轉覺氣升欲喘始知眾醉難為獨醒共醉亦不可也

十二日摹唐造象三通皆邠刻

十三日摹邠州宋題名四通報載唐紹怡電奏原稿有云和議一敗戰端復起度支之竭蹶可虞民生之塗炭愈甚列強之分裂必乘宗社之存亡莫卜以此恫喝之辭施於君父陳橋之變厓山之禍何一非欺人孤寡天乎噫嘻

十四日摹明題名三通皆邠刻其一通行直下三十餘字一葉不能容以兩紙聯合作推蓬式慶壽寺共二刻如此

十五日摹邠鐘一通兩面十六行明人題名一通

十七日飯後強握管篆邠刻唐造象宋題名各一通元造象二
通又一通俗書斷爛似明刻

十八日鐙下草篆篆元祐題名一通此數日內困於周旋篆古
依樣胡盧但有形似皆不能工付之一歎

十九日摹唐宋元刻各一通

二十日昨宵為仲侯撰瑩柱一聯塢傍感慈中生我之恩昊天
罔極門承道德後葬親以禮吉壤攸居篆宋題名三通元造
象一通邠州大佛寺石刻共百二十有五通一律寫完初試
筆十餘通未能合格王鴻業題名尤劣鐙下重篆一通以先
後兩本互勘不獨雅鄭有別字形大小亦有視差始知兩月
工夫積薪居上晚學其可忽諸此寺全分昔在隴上按部至
涇州與邠陝甘分壤寺僧篆榻越境費送行轅屢欲仿三巴

善古志影榻成帙藏之笥中越五年而願始償無負阿師矣
廿一日相緣同年自滬來兩緣不見三年矣從章門微服出走
閒關度江在海上賃一椽為菴邱之寄執手慰勞共話桑海
言笑晏晏不覺纏以零涕長談至暮始去客散後取所葺那
帖排比先後以年月為次無年月者審其筆勢以定時代各
附本朝之後計唐廿二通宋六十四通金一通元十六通明
廿二通前聞旬齋制帥在貴州殉難猶冀流言之未確今日
閱邸鈔見 恤詔加恩予謚贈太子太保賞給二等輕車都
尉世職弟河南候補府端錦同時遇害照三品官陣亡例從
優賜卹弔國殤而念舊游平生雅故哀然昭忠之錄能無三
歎

廿四日邠州杜良臣題名與安頓雖同在一石實非一時所刻

當抽出別為一通共一百二十有六通自昨日始繕定一日
題曰邠州石室錄年月姓氏職官郡邑詳載無遺又重摹張
翼慶曆五年題名一通

廿六日得宗人紫繁孝廉函附到煥彬吏部衡陽一緘長沙民
軍之變令其子本祖庭避地隻身適於南嶽僧寺改朔易服
志在披難自搗譜彙即在精藍纂輯仍不輟業誠與紫繁皆
為吾宗之勁州閔邠鈔匄齋制府謚忠敏

廿七日繕邠州石室目錄共十葉葉二十行錄文百二十一葉
通共一百三十一葉藏之篋行以待攷訂得張又菴太守函
以木蘭花慢詞一闋就正憂生念亂讀之黯然零涕

廿八日作神智造象跋一首邠州全分去其無可攷證者若日
得一首石室錄三月可卒業海上報章載 朝廷有遜位意

世徐兩相赴熱河經營 行在信乎非小臣所敢知也

廿九日作心經溫室洗浴眾僧經雨跋

三十日作雲景嘉元思啟造象兩跋報牘喧傳昨日已明降

上諭袁世凱為副監國留京辦事又言項城遇炸彈十七人重傷二人立斃都門遂又戒嚴蘭州劉晚嵐秦州劉晚峯兩同年與張太史林森公電北京資政院轉伍賊爭君主立憲政體孔子之擊原壤曰老而不死是為賊此真賊也已矣尚
可與言哉

十二月

初一日作元海元會造象跋二首

初三日作萬歲通天二年元巖造象跋一首閱邸鈔荊州副都

統恆齡殉難謚壯節

初六日作長壽三年李承基造象跋二首

初七日作高叔夏鄭希口造象各一跋閱邸鈔唐椿卿李柳溪
兩公請開缺鴻飛冥冥不為不見幾但朝堂空矣如六尺之
孤何

初十日翰林院侍講陸光熙予謚文節

十一日作李齊造象第二跋

十三日今日無一客陳書獮祭即成李齊妻武氏造象銘一跋
約數百字前閱邸鈔伊犁將軍志銳被戕予謚優卹然則天
山南北亦有亂乎同年舊好申甫之後又有伯愚

十四日得芸棗書趙學南由海上寄贈紅雨樓題跋一冊菝風
以林吉人鄭昌英兩本重編又宋徐積節孝集六冊索新刊
藏書紀事詩即以一部繕復函付之託轉寄日落後偷一隙

餘光作崔貞惠造象跋紀元已泐無事跡可徵寥寥百餘字
閱卽鈔滇軍協統鍾麟同不從亂為叛兵支解死事慘烈矯
然自拔於軍界可以媿反噬者矣與福州將軍樸壽皆予謚
優卹

十五日作景龍二年乾元二年造象跋各一首

十六日作房置造象李秀詰殘題字各一跋閱卽鈔志伯愚前
輩子謚文貞

十八日菽風忽自海上來一函僑居鄧脫路謙吉東里重輯夷
堅志野獲編銷磨歲月又言蔣伯斧歿於京汪穰卿歿於津
海內又失雨擊者

十九日閱卽鈔滇藩世增被戕贈巡撫子謚

廿一日閱卽鈔福州將軍樸壽謚忠肅滇統制鍾麟同謚忠壯

廿三日作應福寺西閣功德記一跋

廿五日作解禮題名跋一首

廿六日閱邸鈔滇藩世增謚忠愍廿五日 隆裕皇太后懿旨

辭位有云特率皇帝將統治權公諸全國定為共和立憲國
體近慰海內厭亂望治之心遠協古聖天下為公之義又云
合滿漢蒙回藏五族完全領土為一大中華民國予與皇帝
退處寬閒優游歲月長受國民之優禮親見郅治之告成豈
不懿歟附三大綱甲優待皇室八款一不廢尊號以外國君
主禮相待二歲幣四百萬兩三仍居宮禁後移居頤和園四
宗廟陵寢永遠奉祀五 德宗崇陵如制妥修奉安典禮仍
舊六宮內執事人員留用後不再招奄人七 皇帝私產特
別保護八禁衛軍歸民國陸軍部編制額餉仍舊乙優待皇

族三款丙待遇滿蒙回藏四族七款昔孫吳之亡也其臣曰
討逆以一校尉成帝業後主舉江東而棄之悠悠蒼天此何
人哉自來失國皆於孤寡之手自八月鼎沸至今五月淪胥
之禍亦未有易於此時者也嗚呼噫嘻

廿八日得伯南一函摹邠州篆題名三通見寄較拙書自工亦
未可鏡本也國祚方傾遑言伏臘椒盤餽歲禮絕往來惟略
市雞豚魚菜之屬備寢室之祭柑橘糕餅供祖考神祇

廿九日作王沿題名跋一通夜家祭

三十日振聲進內交莊帳折閱約三千元僅半載耳股本已耗
其半今年商界風潮從來未有秋冬之際身家性命皆在漩
渦之中幸登彼岸區區身外之物自可達觀但願兵氣漸銷
百貨轉般自易桑榆之補猶可期諸翊歲夜在廳事接憲轎

應封井

壬子正月

初一日諷賈至早朝詩愴然今昔之感飭家人無賀但拈香供粉荔朝服望闕拜再於神龕影堂行禮宋范韓功在西邊邠州為其經略之地文正安陽兩集同時人物與宋題名或可互證午後取范集先閱之盡五冊

初二日得菽風函謝贈書言江蘇金石江甯常鎮拓本已集約可得十六卷已寫定者六卷蘇州暨江以北甄稚尚未到不贊成收明刻以其浩無津涯也范集十卷匆匆過目續閱韓魏公集畢

初三日韓范兩集既過目又檢東坡臨川二集僅閱其目兩賢宦蹟未至西陸無可獮祭

初六日檢續通鑑自仁宗康定慶曆至建中靖國共六巨冊頗於劔刻可參攷

初七日為劔刻檢元祐黨籍碑無所得轉於華岳題名得李惇義行之一人又檢武威秦安涇州三志惟從涇志知智周為安俊之字伯庸為王克臣之字

初九日聞共和之政陝以西不受命吉帥前茅已至醴泉請仙詩倘能與崧高一什同奏銳歌不禁望長安而西笑

初十日為劔刻檢萃編於秦晉題名得余藻一人又知仲遠為蔡延慶之字

十一日得康吉都門一函並示二律鄉思一聯云嶄新世界難容舊鉅富人家不療資格雖不高其詞沈痛可泣可歌

十三日去年所撰王公題名跋言之不詳今日據宋鑑重改定

十四日作趙威題名跋一通開北京第三鎮統制曹琨部下兵
變縱火焚殺東華西華兩門池及前門外紅光燭天槍彈如
雨一時秩序大亂東交民巷使館亦戒嚴翊晨九點鐘始定
武昌亦有人組織改良政治羣英會行第二革命獲四人正
法始定此間因裁民團索恩餉亦有農毆團長之事難未已
也

十五日西白塔巷王氏祠堂與寒家後戶相鄰均在談家弄內

僅隔一牆

王祠亦後戶

今日祠裔拈望香叩局不應破鍵而入守

祠者一老婦陳尸於牀其子縊於樓下有遺墨一紙壓硯底
言母於初十日酉時歿已五日矣歿無以為斂生無以自存
出此最後之下策聞其子在五旬上下事母盡孝但不善
營業舊在紗緞各莊轉移執事自容秋民軍起失業無聊母

死子殉聞之悽惻午前一緇袍人求見聞人拒之自言其父
為陳雲坡與寒家有戚誼追憶久之始恍然悟查時事其母
沈與先太淑人為中表姊妹不肖年十七歲游庠紀綱往
報喜慶於門外而不受從此不通往來今屈指四十七年矣
不意其子尚在又不意其一寒至此也予以二百文而去
十七日聞保定糜爛永平涿州均波及直沽亦有警耗兵事方
始共和安在

十八日作隋文帝舍利塔攷一首即書鄧州塔下銘後約二千
餘字元宵即屬稿三日而後成

十九日檢訪碑錄得趙尚張重母安之諸題可與邠刻相印證
廿三日作韓魏公尹河南題名跋一通

廿四日作王堯臣題名跋一通

廿七日作王冲題名跋一通史無傳不免蹈空之病

二月

初三日作程戡魚周詢題名跋一通

初五日作王素題名跋一通

初六日得益庵書新撰辛稼軒年譜未成先求作序又示水龍

吟詞

初七日作張翼題名兩跋

初八日仲午函來並示七絕六首小雅刺詩一彈再鼓泠然絃外之音知其有所感觸而致此也

初九日作王稷題名跋一通昨改張翼跋今日又增損之三易稿矣

初十日仲午來言江孟聰在蕩口外家研究理化之學隔玻璃

窗日影試炸藥以手捫之驟爆裂轟傷面部一目已眇兩手
皆潰雇小輪飛送回蘇至醫院求療兩手割其一又去其兩
指終以流血過多初三日因傷不起痛哉穎悟之質彊健之
軀惑於新說遂至自戕天開殺機荼毒我中國子弟何有止
極又聞其客歲滬寓潛通海舶為革黨籌運炸藥具有因果
此不忍言果有之未敢以私好而諱其惡也昨夜十鐘先聞
排槍聲既而隔牆途人言有火警紅光燭天亟登樓排闥視
之東西為崇墉所隔南北無所見今晨起始知閨門外營兵
焚劫達旦火始息幾釀第二津京之變但城關皆下鏡自山
塘街南至馬路損失之數尚未知惟聞駕六所設晉豐質庫
已不保北里慘括一空倡條治業狼藉路隅又聞江北船幫
皆聯為一氣連檣運賊而去商團已出隊蔡伯歸可知其詳

也天下安有無君父無政無學之國而可以保治安哉噫
十一日作彌陀象贊跋一首前宵金昌亭之變出詢葵伯養采
街談知為第四十六標軍隊自壽州調回素不循紀律軍府
養癰流毒至此共劫質庫三家其餘商店旅館妓寮亦有百
餘家所至翻箱倒篋寸草不留幸焚屋傷人尚不多亂軍十
之四夜半即飽颺尚聚於朱家莊未散憲兵警兵坐視不敵
擊土匪十之六黎明猶往來撻括皆江北流氓也河干召伯
船及城根草棚搜出衣物無算將來懸首榮街皆此輩也而
網漏吞舟矣招市井無藉以為兵不驅之前敵給以利器而
無餉不戢自焚安得不燎原哉噫

十二日李王旦題名二通各繫一跋

十四日病榻讀梅邨簫史青門曲抗聲長吟感衰今昔之感淒

然淚下百六觚回人間何世不圖皓首身為遺民豈惟我躬之不閱哉噫

十六日作劉几題名跋題者為薛周初不詳其人既而為鄧永世一刻內有文與可檢蘇詩忽得題薛周逸老亭一首在鳳翔作時地皆不遠必其人也乞酒得漿俄頃間無心而遇之與看榜拾得眼鏡何以異哉

十七日改定劉几題名據宋史忠義傳增兩行又跋鄧永世一通惟石室先生可致是以君子疾沒世而名不稱焉

十八日作史世則馬清題名跋一通

十九日作陟景昇題名跋課虛責有僅百字猶贅也伯南來言鶴琴前輩榜門售書翻口板蕩之世享大年非福也

廿二日作宋永之孝之題名跋一通

廿三日作曹顯叔題名跋一通

廿五日慶壽題名无老廷老介夫一跋朱治曹起雨跋同脫稿
廿六日作蔡延慶題名跋一通報言甯垣贛軍變焚劫甚烈又
釀第三京津之變殺人放火載筆者但視為談資而不覺其
可悲可駭聞者亦若耳熟能詳也噫

廿七日作智周題名跋一通攷得為安俊宋西邊宿將也此與
仲遠之為蔡延慶德順之為地名通理之為官名自謂破天
荒手段但可與知者言耳

廿八日作安頓楚建中題名兩跋

三月

初一日作范恢題名跋一通

初二日作宋唐輔題名跋一通

初三日作戴天和題名跋一通

初六日李孝廣蔣之奇題名兩跋前兩日客至未脫素飯後續成之間樊山已應聘出山舊人新官從此一錢不值矣噫

初七日昨撰李孝廣題名跋寥寥無可攷檢三巴舊古志得蓬溪縣淨戒院記宣和五年李孝端撰結銜為郵城縣開國男與孝廣鄉貫合宣和距元豐亦不遠可為稿設重作一通又作張太甯一跋

初八日作王戩神師古題名跋一首歐陽公作五代史論贊皆以嗚呼二字發端言五代時事無一不可歎也今日之亂斯文墜地豈惟亡國之慘爰竊取廬陵之義記事畢輒慨然一喟然以歎歎不如以不歎歎也集百千億歎而為最後之一聲曰噫

初九日芸巢三月不相見午後修一牋借夢溪筆談共八冊前有
大德陳仁子序審紙色是明縑本而芸巢以為元刻誤矣
十一日作范棟范文光題名兩跋

十二日作王舉周天倪題名兩跋皆元祐六年在韓魏公題後
鐙下閱夢溪筆談四冊宋中存中為陝漕其所記時事或
可證邠刻而涉獵一編無所得

十三日閱夢溪筆談四冊宋人說部洪容齋王伯厚兩公之外
無其敵也

十四日作張行中王雍題名兩跋其第二人皆李惇義行之行
之尚有無年月一偈慶壽共三刻

十五日作澠陽蠢孺洛中愚叟說偈跋一首孺即王雍叟則李
惇義也

十六日作了然詩跋一通

十七日得平愉丈函其子名貞毅自鄂渚歸江右洪幼琴轉贈
四洪年譜譜各一冊幼琴當是琴西觀詹之子四洪忠宣文
惠文敏文安惠敏二譜錢晚徵先生原稿琴公增輯又自撰
忠宣文安二譜同刻作范忠宣題名跋一通

十八日作劉淮題名跋一通午後趙君閣來不見踰十年矣攜
其先德惠甫翁烈文重葺長垣本華山碑拓本見贈據云勝
於端忠敏石印本惠公解組後買宅虞山為廡公今其宅已
易主君閣卜居胥門朱家園即宋朱勗故里

十九日作宇希大同雲鵬題名跋篆字三通均畢又據郡齋讀
書志改定李孝廣一通絲價驟跌視去臘十分耗其三緞價
隨之營業未及一載投貲六千盡化烏有尚不足自我祖

父以來未聞有此彌天浩劫

二十日芸巢送來一緘夢溪筆談又以津逮本三冊見借即從大德本出墨光紙色煜燦動人尚是初印本作李寬杜良臣題名二跋李跋易稿而後成

廿一日致芸巢函託查宋詩鈔劬刻待攷雖止二十餘通同游姓名牽連而及至有六十二人之多芸巢見目望洋興歎以全書二十四冊慨然見借猶祭本非咄嗟筵從容治庖愈於越俎而代也又得孫益庵廣文書七律兩首錄稿見示皆上已禊飲詩一訓漚尹一步巢隱韵

芸巢為第一巢隱

廿五日邠州金刻但有正隆傳幾先一通益庵熟於究顏掌故作一函往詢之還書來言金史有傳所著興亡金鑑錄見世善堂目專門之學名下果無虛士佩鶴自海上來一緘遠客

初歸轉似他鄉之問禁孰為樂郊可以卜居詹尹端策拂龜
不知所對

廿六日跋殘題名二通皆從無字句處得聞而入善辨模黏字
媿攻穿鑿文此言未遑多讓

廿八日攷定卯刻兩通一無姓名年月作兩跋一為己酉劉宗
韓攷得在熙甯二年

廿九日重攷定劉宗韓跋又跋劉堯咨王君佐兩通毫無故實
四月

初一日昨作陳述古題名跋晨起刪二十餘字

初二日午前又有人購語石竹紙十部收十六元此烏狗耳何
以求者若驚究其來蹤知為來青閣書肆東瀛估舶所託也
無怪前後付價皆橫瀆正金洋券羅林紙貴白香山詩宜其

不脛而走拙稿能無汗顏

初三日寄仲午一緘詩契齋稿十開還書言集中贈語樵丈詩遺稿剛庭尚謹藏喬木故家所以可貴

初六日閱宋詩鈔薛士龍浪語集有楓橋詩一首孫仲益鴻慶居士集五首請葵伯錄副孫詩中有三絕姑蘇志已采入寒山寺

初十日自武昌變起半年不作詩今日始試筆得兩律

十二日作七律二首

十三日蓋庵來攜南窗寄做圖屬題顧鶴逸所繪蘆邨引首鄭叔問先有一序

十五日作七律二首

十六日午後振聲進內言城外標營謀叛六營已屬刃以待惟

一營尚在觀望訛言繁興風聲甚惡

十七日香山崩際唐賀同昆季以木工起家資鉅萬屬郡城馬大錄巷革軍起賣緣得標統今又以裁軍兩首自斷開第二次革命會約期舉事訛言之所由起也黎明被捕槍斃其一同黨七人皆就逮作七律二首

十九日仲午函來送至易碩甫觀察長歌一首為翦辮而作賈生痛哭無此激切補衡慘過亦無此淋漓痛快陳伯嚴謂讀之能令人笑亦令人哭旨哉

廿一日作七言一首

廿二日芸巢函來餽四書反身錄一部蜀刻本又園杏二十上綴千葉榴花二朵鮮紅欲滴津液流甘勝於市果

廿四日東芸巢以七律八首就正作七律二首

廿五日繕一函寄芸巢置案頭未發而仲午函來贈盧橘卽分
贈芸巢一筐加一赫蹠同送復函歸帶至和章兩首此其嚙
矢耳尚有續至也

廿六日芸巢果有一函踵至又示兩律英姿颯爽來酣戰褒鄂
風推健將知必不退避三舍也亦得四律

附錄芸巢和詩

了徹三生悟六如脩持淨土學龍舒晚耽金石同潛學博覽
琅嬛繼曝書卓帽何妨經患難青燈依舊惜居諸笑他朝士
談名節負約臨危問飼豬

歸老常攜玉帶生亂來何處覓藜羹龍潛行看塵揚海羶乳
空憐雪滿阮故里琴尊陶靖節暮年詞賦庾蘭成避賢同作
牆東隱無稅書田任目耕

文學西京賈董如編蒲猶敷路温舒蘭臺舊直脩青史林屋
同歸訪素書世運回瀾須砥柱人才取鑑借方諸君看誰覆
唐天寶不是真龍只是豬

坐困危城百感生非關窮餓乞殘羹吞舟巨鼉掀風浪衝石
寃禽落整院揮淚西臺謝皋羽棲身北海鄭康成桃源雞犬
驚秦亂何地能容隱者耕

廿五日與芸巢往返各一函去四律來兩律旗鼓相當芻蕘難
繼求成不遠矣叔彥先以一函來日晡自至坐談甚久自誦
其述懷詩有云君親罔極知難報天地有時或再清藹然仁
者之言又攜示運翰五言一首

附錄叔彥來函

別經半年運丁九厄耳目聞見心骨悲慄莫黑匪烏巢葦樓

棘嗟彼蘭蕙漸滌芳歇獨有松筠青蒼傲雪天地貞心碩果
不食悠悠我思瞻彼日月願附驥尾同矢靡慝空谷來音如
聞夔石敬祝加餐皓首崇德晚涼請閒共證禪悅時維孟夏
二十七日

廿八日作七律二首

五月

初一日作七律二首

初二日作五言一首

初三日芸巢來函附漚尹前輩書贈新刊劉一止茗溪集四冊
責前諾索序

初四日得江陰金菽香太守書索新刊藏書紀事詩以所著陶
廬雜憶續詠補詠後憶共三冊又江陰菽文志一冊為贊菽

翁仕粵有能聲前幕游羊城時即聞其名而未得見也今年
踰七十矣

十四日得西泠印社書寄至丁氏善本書室藏書志一部十六
本武林往哲遺著前編六十四本後編三十二本十萬卷樓
叢書三集百十二本亭林遺書一部二十四本換竹紙藏書
紀事詩三部語石十七部

二十日撰劉行簡茗溪集序一首小極未蘇連日伏枕腹囊在
筭但須修飾

廿四日作五言一首

廿五日昨繕芸巢函未送而伴來又費到一楮並示蘊邨書以
新作七律二首謝撰序即和如耕韻索和章甚切此韵九疊
思泉已竭何以報命又贈唐何簡志一通有篆蓋天寶元年

六月妻隴西辛氏撰婦人為夫誌墓不獨語石未語王行潘
昂霄以下銘例亦闕如也又得金滄生太守報書寄貽所著
粟香隨筆二十冊新刻江陰叢書十八冊

廿七日陶廬贈書由信局寄到粟香隨筆實亦在叢書之內合
之共三十八冊前十冊是澄江先哲遺著其餘皆金氏一家
言也尚有表忠錄思忠錄各一冊作七律二首酬古惟
附錄古惟原唱

十年給札老相如隔歲高文病腕舒自與起衰真健藥方知
善讀總奇書章縫裸壤誰睎者題踐瑤華或辨諸莫學維摩
恆示疾為君沽酒更燒豬

沈冥同是蟲餘生書味甘於玉糝美要託深心到毫素不教
墜簡付燭阮暴書亭古猶傳是非有齋荒孰遣成賸欲同搜

石林址弁峯深處話躬耕

廿九日芸菜晨來一函以段赤亭山左金石目二冊見貽武進
李穀宜觀察之長君名祖年作令益都時所刊賸以眉綠樓
詞一冊同治樞垣疏春詞一冊

六月

初四日邠州題名閣筆已一月餘今日據益庵說重撰劉宗傑
跋一通又增安陽王舉第二跋

初五日鐙下撰張重題名跋

初六日作紹聖戊寅趙尚題名跋一通

初七日作重和己亥隴西朋甫題名跋一通午後至帳房見案
頭有報紙偶一披閱夫己氏罷祀孔子議主筆者痛詆之詆
者未必真能尊孔而夫己氏之喪心病狂敢以隻手障日月

而裂乾坤大而化之之謂聖聖人之德不可以言思擬議其
凶其愚亦豈語言可以形容哉其師吾先友也乃有此高弟
初通籍時都人士即呼之為小怪武進屠竟山大令奇大怪
也今大怪不怪不意此怪變而至此吾友地下有知疑之而
已矣

初九日前作張太甯題名跋無致今作宋京詩跋從金石苑檢
得太甯世系知為鼎州太守張察之父治平進士陝西都轉
運使因重撰一通

十一日作高郵秦口題寶勝佛象一通前作范文光題名跋以
筆跡古秀定為宋刻今午偶檢邠州姜媿公劉廟碑後有崇
禎六年七夕川西范文光仲閣題字即其人也攷史固未可
武斷古今書蹟時代先後亦豈能師心輒定

十三日作邠州題名仇錡一跋蒲慶隆光喬一跋皆宣和壬寅
十四日作邠州題名跋張植一通錢受之二通第二通又分為
三則

初十日作宋京宏父題名跋一通

十五日星臺來長談至暮詩懃清彙其手錄請以寫官附名簡
末已允之矣仲午來謂懃之為言隱也作者尚諱莫如深豈
有寫者轉留姓氏之理不覺失笑告以邠州石室錄將脫稿
鄙人不敢望阮亭竹垞若願為林鹿原敬以相浼訂約而去
鐘下作張守約題名跋一通

十六日作辛九皋題名跋宋刻六十五通皆畢

十七日補撰李孝廣題名第二跋又改定宋京張重兩通頗有

增損

十八日邠州題名重撰王冲一通改定趙威一通
十九日作傳幾先題名跋全刻祇此一通

七月

初五日作邠州元題名跋二通至元江孟燕延祐董祐

初七日邠州裝象題字十四石皆元刻作伯都一通元史有傳

初八日劉姬至舊主處起居歸言紫梅觀察遺一姬苦節自守

舊侶相逢楚囚對泣歸猶隕涕惺惺惜惺惺亦自悼其身世
也力疾作邠州裝象跋三則皆癸酉歲攷定為至元九年朵

爾赤文伯顏一殘刻

初十日改定文伯顏裝象跋又作俺普伯顏閣閣三通

十一日跋邠刻三通尉溫福裝象甲戌池彥文張爰吉刺牙無

年月

十二日跋殘裝像一通有宣政院延慶司官制可考

十三日作裝象跋二通察罕車力帖木兒皆無年月

十四日跋厄刺歹裝象一通元刻十六通均畢唐宋元共一百
有四通明刻從菽風之言舍旃或錄其目為附庸自客權操
翰一易寒暑始告成中更國變疾疫憂患脫囊為幸身後楹
書既無可託齋章甫以超越又無顧而問者昔人謂借書為
一癡此豈非一癡邪

十六日晚餐正陳陔閣樓上驚呼聲一舉首則霄半有光煜然
牆壁窗牖皆如倒景反射再視則紅光燭天矣亟登樓視之
白煙蓬蓬而起火星飛爆如萬弩之齊發寂無警笛耳輪但
聞膈膊聲知為非常巨災又不知何地不及攜杖踉蹌奔出
初疑為史家巷林一師祠堂即在照既而有人登花橋瞭望

言距離尚遠當在孔過橋温家河岸一帶然何以不堪嚮邇
至此最後奴子來言彌羅寶閣突大廈三層岩堯上聳飛堯
隆棟龕棧四出燎原一發宜其咄咄驚人知此言可信池魚
之殃雖無慮突如其來太猛太驟壯夫亦望而辟易自夜七
鐘半焚至八鐘半始漸息此閣髮匪之亂間架尚存浙江胡
雪巖觀塔捐貲重建自經始至於落成皆親睹之不意一剝
那頃等於阿房之炬以形家言論之固為會垣重鎮即論經
生家義亦宣榭新宮之類也天意可懼說言滋興敬告吳民
亡無日矣

十八日校邠州石刻目去明范文光一通實祇有一百三通內
無年月五通攷定為熙甯元祐紹聖間刻各依紀元重編
廿一日趙君閣來胥江遠道不敢拒力疾出見之談舊學歷數

今時雋才言屠竟山惟利是圖曾益樸盡棄所學人才之既亦吾道之憂也於二君乎何尤

廿三日去年輯寒山寺志為夫已氏作也不幸脫橐適逢國變遂留未歸佳人已歸沙叱利還無日矣楊子雲之劇秦美新陸劔南之南園記皆在凶馘方張之日去秋僕屬橐時其人假面猶未剝朝廷畀以董寄儼然重臣也聖人云不逆詐不億不信人非蒼龜孰能前知陽貨桓魋焉能浼我舊稿幸在病中擬稍加理董錄而出之惟書法不易一字再加一序以寓誅貶辨奸之論討逆之檄絕交之書皆於是乎在即於今日為始

廿九日與芸巢往返各一緘來函附至繡谷亭熏習錄朱印本二冊密行小字仿宋本式精雅可愛不啻獲一珠船古惟自

滄寄贈又律服攷古錄一冊李穀宜所貽益都楊峒書巖著
穀翁之子祖年為益都令刻以傳世

八月

初一日伯南來談言鶴琴前輩欲就一五元蒙塾此老可憐亦
可敬又言李輔之茂才作古遺命以道服斂余曾見其童子
時弱不勝衣恂恂後長者晚能不墜其節操孰謂橫舍非所
以教士哉

十四日武林往哲遺編前後集病中瀏覽至今日而畢得寒山
寺詩七首舊聞兩則

廿一日病中檢宋僧洪覺範集有隋朝舍利塔感應記述神尼
智仙事詳於栖霞碑靈隱志道宣稱仁壽詔僅三十州賀德
仁已云八十州而此文又云五十三州前跋鄧州本未及皆

可博異聞手錄一通並作一序一跋皆小篇擬付星臺續裝於後攷隋舍利塔者莫詳於此矣

廿二日為寒山寺獺祭窮數十冊无無故實僅從王元文北溪詩彙得楓橋詩一首解嘲

廿三日檢穰梨館過眼錄得僧明綱即祁六公子所繪寒拾圖又文待詔姑蘇十景冊有楓橋詩志象志事皆可增一故實甚喜

廿五日又從天祿琳琅日本經籍訪古志各得寒山子詩解題一通

廿六日季新甥來言其姻家姚和卿有小銅造象六軀上自天統下至開元年號欲售六十元此地此日此世界乃有此古緣蹶然起視則字畫嶄然新發於硯大象刻作夫象內一軀

年月姓名之外別有一行曰略園主人精製此真黎邱之供狀矣

廿八日從袁穀廉邃懷堂集得楓橋一首又秋鐘斷句可補寒山鐘故

廿九日重檢暴書亭集得楓橋詩一首又從吳曾能改齋漫錄得半夜鐘一條可與茗溪叢話互證

九月

初二日檢崇文總目寒山子詩七卷竹垞據唐志校上有釋智升對四字此為諸本所無新得未明之義俟詳攷

初四日益庵來談言樵佚斯飢從前為諸侯食客公養歲俸月可二三百金今以滿漢之嫌致成秦越之視衛將軍幸舍客棄之如遺王錄事草堂嶺杳然不到石芝東堪所藏書畫碑

版行將出而易米矣

初五日繕志彙至第二卷重訂志碑篇頗有所增纂

初六日檢別下齋叢書從翁維小蓬海集得題徐虹亭楓江漁

火園詩可補志事一則

初七日前刪志塔一篇今增志產篇為第七

初九日作寒山寺志後序一首

初十日容秋因寒山志事與何筱雅太守郵筒不絕擬附一書

於序後而其稿已佚重錄出之師丹健忘不能無改竄也

十一日劍珊自瀆川來求撰洞庭宗人譜序分四大編從煥彬

吏部之言也煥彬久無信聞已入衡嶽為僧其弟亦作古慨

然太息得張又蕓太守書以七律三首絳都春詞一闋見示

兩詩和拙作如耕韻蘄蘄麥秀之音不堪卒讀十弟來已刻

又舉一子甚可喜但祝其甯馨耳

十二日作七律二首

十三日又作七律一首

十四日又蕤躋頌一函來錄舊作十首見示辭翰斐然行書雖非西燕比而詩筆超雋後來居上摩挲老眼不覺神王但好整以暇僕病未能惟有退三舍以避之昨據明倪文僖集暨阮文達石渠隨筆補寒山寺志志事兩則今日又據南州草堂集翁雒小蓬海遺詩增餐兩則

十六日補纂志事三則皆據近人詩牘申甫筱雅兩同年所開示後序之後又撰附識一則若不即付刻此識語為贅

十八日又補撰志事一則

十九日寺志志詩篇小序未愜重撰一首

廿一日作允之輓聯並跋語錄之 八月觀濤聞海淫幽憂愧

我難為枚叔賦五旬證果念門牆高誼惜君誤讀計然書

度隴歸田啟門待盡壬子秋仲驚聞允之賢弟姻家在滄濱

棄我先逝反袂一慟情不能已揮淚書此寄唁靈其鑒諸六

十四叟緣督拜輓

廿二日校詩契齋詩雙燭為繼四五兩卷俱畢哭弟一首從前
不見其佳近來為憂患所攻人窮返本始知其字字從肺腑
流出比古焦仲卿詩得其神髓駭雅遺音稿中絕唱

廿六日與兒婦話家常偶及龔生佑之三十年前我及門亦其
姻聯也

廿七日作汪薇軒輓帖一聯桃花潭水昔日論文滄海桑田驚
已變桂子秋風今宵證果瓊樓玉宇不勝寒老病戲門屏絕

世緣懺除文字久不拈筆中秋前一日忽聞薇軒老友封翁
作古束髮論交即同研削屈指五十年矣憂生傷逝愴然於
懷破戒書此奉唁即呈靈鑿世愚弟葉昌熾

十月

初二日得沈友卿太史函論禪讓有舜而後可禪克有禹而後
可禪舜未有已為桀紂而強迫人以克舜者名論也

初六日寫井梧懷舊園詩三首并加一跋

初七日寫志稿 四庫提要之後增入簡明目錄一則

十一日得友卿書言建霞身後蕭條又罹孟聰之變生計奇窘
靈鷲閣叢書仿宋唐人小集兩版託覓售主其意在見歸等
布糲之不暇安能及此

十七日偶閱報紙言屠竟山居鄉國變後出為民政長其子寬

擔任教育父子罔利輿論大譁毗陵人士攻而去之與趙君
閔來告所言皆合又言其至京運動求轉圜不可得又至江
甯見□□大遭白眼嗚呼竟山吾故人也儼體不在晉宋以
下詩筆可繼洪黃而起晚節披昌至此可惜亦可為痛哭
十八日啟舊筭檢點日記自同治戊辰二十歲起至去年宣統
辛亥十二月歲除止共四十冊併是編為四十一冊中間惟
壬申一年癸酉十月以前缺回溯前塵恍如大夢其初燈窗
小生弄筆劣不成字亦無文理三十以後發憤治古學始稍
有可紀四十通籍見聞漸廣見者知秉質愚鈍聞道之晚莫
如予恆心苦學生於憂患亦莫如予

十九日作五言一首

廿二日作游邠州大佛寺記擬附刻於石室錄之後前十年事

言十四
如尋昔夢章有日記可為藍本

廿六日叔彥來出冬至夜半聞鶴鳴圖自題長古一首並徵蕪詞勸避地海上其情可感其為謀至忠也

廿七日得邃翰前輩一緘新刻詩集一冊共三種曰桂軺紀程曰秦晉封軺集皆奉使之作曰西泠紀事則作於光緒庚辰游浙之日曲終奏雅冷然絃外之音亦以知幾為諷純朝贈策敢不拜嘉仲午搦詩契齋稿跋見示天然雅勁潔無纖塵此事自關天賦亦由胸次高曠匪人可及

十一月

初一日傳學使增湘來號沅叔蜀人今寓津門道滬至蘇持菴風書暨所輯江蘇金石目一冊為介紹即見之自言得宋槧方言老子集注皆意園所藏今甫散出持靜齋一鱗半爪亦

飄流滬市可歎也治裝行李先交轉運公司自攜僅鋪蓋網
籃五件視一笠一皮包尚不為簡便爰居避風亦非樂郊此
灾若蔓延到滬海內更無安靜土轉展反側亦不能寐

初二日午初命與出齊女門登滬甯火車午後一點三十五分
鐘開駛坐二等客位又與沈潔齋觀察不期而遇三度萍水
可謂有緣即與共坐共談三點鐘過崑山四鐘抵滬站雇東
洋車三乘徑至後馬路景行里宏興祥記紗緞莊敝莊即寄
其內為附庸之園晝夜治裝疲極不暇再出尋菓姑留宿

初三日綬若前函告之空屋尚未出租午後同往相度在後馬
路長鑫里進里第一門商定租價連捕捐自來水月三十五
元家具如几榻之類可暫借初五起租片言立定即先付定
洋十元頗非初願所及

初五日聞賃廡已潔除即携卧具午後至新屋

初十日劉蕙石參議專使來賚函贈新刊影宋新五代史一部
共十二冊玉海堂叢書之一也又持汴宋二體石經一巨冊
徵題共四冊此為第一冊山陽丁氏六藝堂舊藏今歸蕙石
吳仲懌中丞署檢又有何詩孫中翰錄其祖庭蠖叟長歌一
首

十一日午後四鐘聞門鈴鏘然鳴劉姬挈女至矣不意其來之
速也

十五日佩鶴來二老相對待清無日共談桑海後事不禁歎歔
泣下

廿三日至老閨北順興里相度新居

十二月

初三日飯吉移新寓家具先於昨日去今日僅隨身行李一車
一肩過午挈劉姐母女雇黃包車雨乘至順興里布置几榻
不暇治饌以糗糒充飢伯英亦於今日遷客坐陳飾整齊然
兩巨蠟燭頭糕各一盤儼然有新居氣象烹飪精良寒家視
其僕隸尚不如之餘媿矣雖然奉使歸來不改寒儉捫心亦
可以無怍

十三日菽風來長談言昭陵新出程知節越國先妃兩碑又有
宇文士及碑滇中新出漢蒙口碑隴歸六年蟠伏鄉里一無
見聞可勝媿歎

十四日佩鶴自郵來一函附至還庵前輩書以叔夜養生仲長
樂志為風敬佩良箴媿意氣之未平也午後介侯來則操變
徵之音裂帛穿齧唾壺欲碎其別墅在滄南三泰馬頭浦東

亦不可居矣長談而去

十五日昨宵攜劉姬步行至開橋折而北又折而西至大新街在荒貨店見銅鏡一面外唐古忒文內真書皆梵呪索值一元二角未諧價

廿三日報載汪伯春售其家藏書籍字畫為鄙人申斥而罷售主為日本人介紹為其友盧某兩造至起訴訟鄙人自圖變後未嘗與伯春相見亦未有此春夢此所謂不虞之譽也

廿六日得式之津門緘索贈藏書紀事詩言厲津以校書遣日段人舊校舊鈔本逆錄新本一歲得六百餘卷小山堂鈔北盟會編孔藻谷手校邵二雲薛史底彙最為巨帙此亦荆棘叢中安身之一法也

廿九日劉姬素未聞家政自到此間澣濯烹飪躬親煩摺他鄉

伏臘不廢椒盤推髻操作居然中饋惟鄙人越在草莽度歲
至不修祀典罪何如矣閱三國志魏紀四卷畢兩朝禪祚僅
一屈申臂頃耳漢獻帝謂郝慮郝公天下甯有是理乎司馬
師廢魏主芳郭太后欲見大將軍有所陳說鄧芝曰是何可
得見天道好還巧至不可思議前後相隔不及百年史官纂
錄不過四卷今鉛板小字本不過十紙余閱之不過數小時
耳因果昭然毫髮不爽令人可驚可愕今之天何異於古之
天邪嗚呼噫嘻

緣督廬日記抄卷十四

女夫王立勛謹繕印

邑後學潘承厚謹校

緣督廬日記抄第十四冊校勘表

葉次	行次	格次	誤	正
九	五	<small>十二、十三之間</small>	(脫二字)	續編
四十五	二十四	四	到	得
五十七	十七	<small>音之間</small>	(脫三字)	開印抄
六十一	七	二	五	七
六十三	<small>六、七之間</small>	全行	(脫一行)	(下葉第四行後)
六十四	四	全行	(衍文)	(此行移前頁二十行之後)